

聖王

聖王
切教

天主降生千九百三十四年

第四次出版

聖
教
切
要

東 山

兗州府天主堂印書館印

NIHIL OBSTAT

P. H. Kappenberg SVD.
libr. Censor.

IMPRIMI POTEST

P. Th. Schu SVD.
Sup. Reg.

IMPRIMATUR

Yenchowfu, die 24. Mart. 1934

† A. Henninghaus SVD.
Vic. Apost de Yenchowfu.

錄目

新約聖書卷目表

目錄

聖號經	一
天主經	三
聖母經	七
信經	一一
天主十誡	二〇
第一誡	二〇
第二誡	二六
第三誡	二七
第四誡	三〇
第五誡	三二
第六誡	三四
第七誡	三六
第八誡	三八
第九誡	三九
第十誡	三九

錄目

.....

聖教四規	四一
聖事之跡	四二
聖洗	四六
堅振	五七
聖體	六一
告解	六七
悔罪之勸	七二
全告之勸	七六
終傳	八二
善終助功	八六
神品	九二
婚配	九三
萬民四終	九七
向天主三德	一〇一
樞德四端	一〇三
聖神七恩	一〇五
贖罪三功	一〇七

錄目

.....

靈魂三司	一〇九
人之三譬	一一一
悖反聖神之罪六端	一一三
額天主降罰之罪四端	一一六
罪宗七端	一一八
克罪七德	一二一
形哀矜七端	一二三
神哀矜七端	一二四
真福八端	一二六
榮身四思	一二八
榮魂三思	一三〇
同姓外親四代之圖	一三三

聖教切要

泰西聖奧思定會學士白多瑪著

○聖號經

十字聖架乃吾主耶穌受難受死，伏邪魔之棍，救脫萬民，于魔鬼之手，及救贖人罪之器也。故以十字架，爲奉教者相同一教一會，而與不奉教者，相別之號也。奉教者念此經，而畫十字以顯己所遵之教，認三位一體，憶念吾主受難之功，及以退邪魔壓止邪情，而免身神之諸害也。

以十字聖架號，天主我等主，救我等於我讎，因罷德肋，及費略，及斯彼利多三多，名者，對心合掌亞孟。

以，是爲也。十字聖架號，是吾主受難之器，指吾主在十字架上無限之恩功也。號，是記號也。我讎，是魔鬼肉身及世俗，謂之我讎，因三者常陷我于萬罪之端，因是爲也。罷德肋，譯言父。費略，譯言子。斯彼利多三

多，譯言聖神。名者，解一能一權，指一性一體。念此經則猶云，爲吾主釘十字架上之丕功，求天主我等主，救免我等于三讐之害。又爲天主父，及子，及聖神，三位一體，再求亦然。念此經時，畫三小十字，以表天主之三位。又畫一大十字，以表天主三位之一體一性。畫三小十字，以求天主，不許我從三讐之誘惑，而陷于妄思言行，卽畫第一十字于額上，因其爲明悟記含一司之座，則猶如求天主，賜我善思善念，不許我想惡念。畫第二十字于口，因其爲言談之司，則猶如求天主，賜我善言，不許我說妄言。畫第三十字于心，因其爲愛欲司之座，而萬行之根原，則猶如求天主賜我最愛行善，而厭行惡，不許我陷于惡，而退于善焉。

念時大開手指，從額至腹，從左肩至右肩，畫一大十字。額上念罷德肋，表示罷德肋爲第一位，無原之原。腹上念費略，表示費略爲第二位，從罷德肋于無始而生。指左肩至右肩時，念斯彼利多三多，表示其爲第三位，從罷德肋，及費略，于無始所同發之活愛也。

奉教者，專務常認三位一體，記念吾主受難，及求天主救免于三讐之害，

最要緊之功業也。故常應畫十字，不論幾時，不拘何事，不問何工，出門，入門，將睡，睡醒，飲食前後，起程止程，開工收工，居動之時，而畫十字，則靈魂肉身必有大益，而可望身神之安，及善生善死矣。

○天主經

乃吾主耶穌造此經，而親口傳授與宗徒，以便知祈禱天主之善法，而教訓萬民。照此經內事理，常求天主靈魂及肉身所須之事，此經包含七端，謂之七求。前三端係爲求愛敬天主之事，後四端係爲求靈魂及肉身之事。

在天我等父者。

天主無所不在，但天堂是天主發顯榮光，及天神聖人見天主之所，故曰在天。又以此言引我輩脫心于世物，冀仰天堂而向永福，故起念時，則曰在天。天主愛人，勝於父母愛子，無窮也，賜恩與我等，比父母賜恩與子，相遠無比也。由此而視之，豈不爲我等無比之慈父乎？又以父之名，勉勵

我輩求望天主，孰無所需之物，而不向父母求之乎？孰善求父母，而無得其所求乎？況天主至仁至慈之大父，可不求望乎？曰我等父，因天主是萬民之大父者，萬民皆我兄弟，皆應相愛如兄弟，而替衆人常求天主，故曰：在天上之天主，爲我等至公至大父者。

我等願爾名見聖。

天主自有至尊至聖之名，不待人讚之而後爲聖。普世萬民讚天主之名，其名之聖，不能加增，普世萬民，盡不讚之，其名之聖，不能減損，故今我輩求天主顯聖其名於天下，令萬民皆稱讚爲聖，非先不以爲聖之意，不過徵孝子愛敬天主大父之心，而甚願普世衆人欽崇天主，則曰：我等願天下萬民顯揚天主之名，以爲聖。

爾國臨格

爾，是天主也。國有二：一曰天堂，一曰聖寵。臨格，是近至也。凡聽順魔誘者，則可謂魔所管，至賤之民也。凡遵守天主之命者，則天主所治，至善之臣也，天主以聖寵，治人之靈，令其遵命，而不至僭亂，故稱聖寵

爲天主之國也。天地萬國皆係天主之國也。但萬國之中逆者甚多，惟天上盡無逆者，而皆爲不勝忠臣也；故稱天堂爲天主之國也。今欲求天主，今世賜我以聖寵，而死後賜以天堂；則曰：我等願天主之國近而至焉。

爾旨承行於地如於天焉。

爾旨，是天主之聖旨也。承行，是遵守也。天主之旨，爲萬善之表，及萬福之根。遵者則成爲善，而得萬福。逆者則成爲惡，而得萬苦。今世背者，不勝數也。卽有遵者亦不全也。惟天上神聖全行主命，無毫背逆。故今欲求天主，賜我們世人，全守主命，以得萬善萬福，而免萬罪萬苦；則曰：願天主聖旨，世人遵行于地上，如天神聖人奉行于天上一般。

我等望爾，今日與我，我日用糧。

與是賜也。糧有二：一曰靈魂之糧，卽是聖功善德聖體，及聖寵等。一曰肉身之糧，卽是衣服飲食，及所需養命之諸物。我輩身靈皆係從天主而有，則欲養之者，必須仰望天主保佑，然後養之可也。故今欲求天主賜我等，所要養肉身及靈魂之糧；則曰：我輩求望天主，今時賜我們常用之糧。

爾免我債，如我亦免負我債者。

債，是罪也。負我債者，是得罪我之人也。聖經曰，「爾不赦人之罪，天主必不赦爾罪。」爾赦人之罪，天主乃赦爾。罪人得罪爾，其罪最小且少。爾得罪于天主，爾罪甚大且甚多，若爾不赦人之小且少罪，焉可望天主赦爾甚大及甚多罪乎？因爾赦幾微小罪，故天主赦爾千百重罪，幸不甚大乎？故今欲求天主，赦我已犯于天主之罪，則曰：赦免我罪，如我赦得罪我人之罪一般。

又不我許陷于誘惑。

魔鬼，肉身，世俗，乃世人之三譬，常引世人行不善事，而犯多罪，此三譬，比他譬甚狠甚強，況我人之力，不勝劣弱，何能免受其害，而不陷于惡乎？故今欲求天主，救我等于三譬之狠，令其不誘惑我，或有誘惑我，加我神力，能勇攻之，而不從其誘惑；則曰：免我墮陷于三譬之誘惑。

乃救我於凶惡。

凶惡，是肉身及靈魂之災難。凡能害肉身者，如饑餓寒熱，水火刀鎗，疾

病等……謂之肉身之災難。凡能害靈魂者，如私欲邪情，引誘等類……謂之靈魂之災難。今欲求天主，保護我等，不過靈魂及肉身之患難，或遇此患難，求天主保佑，令我剛勇治之，或忍受之，不至得罪於天主，而墮于地獄也。則曰：救我等于身神之災。

亞們。

此二字，乃西音譯言，我願我望，如前求也。

○聖母經

此經包含：第一端，是天神來報聖母，慶賀之言。第二端，是聖婦意撒伯爾見聖母，讚美之言。第三端，是聖教會祈求聖母，轉求天主之言。

亞物瑪利亞。

亞物，乃西邊禮拜，恭賀者之言。譯言申爾福，即如言我等慶聖母，受萬恩萬喜萬榮而備萬福也。瑪利亞，是聖母名號，譯言母皇也，海星也，謂

之母皇。因其爲天主降生之母，萬國大君之母也。謂之海星，因其引導我等，行世海之路，而直向天堂永福之崖也。卽如海星，引浮海者，行海之路，而至於本鄉之崖也。

滿被額辣濟亞者。

額辣濟亞者，亦是西音，譯言天主之寵愛也。天主寵愛全滿聖母之靈，使其不染原罪，並毫無本罪之影，他聖所未之有也。聖母之德至盛至大，較於諸神聖之德，相遠無比。故所蒙天主之寵愛，甚於神聖所受之寵愛，故無比也。故曰：聖寵充滿聖母。

主與爾偕焉。

主，是天主也。爾是聖母也。偕解說同在，指相親而常保護之意。天主雖與聖人同在。但不能比天主，與聖母偕焉。蓋天主寵愛聖母，親切至極，選之爲母，降於其胎內，而安居九月，同住三十三年，而未嘗相離其心中，願之爲己親母，賜之萬恩萬福，皆對其聖母之位，而超出諸神聖所受之恩，則天主與聖母同在，親切之至，豈有神聖可比之乎？故曰：天主與聖

母同在。

女中爾爲讚美。

凡女者，或潔守童貞，或配耦生子，二者萬不能相兼耳。守童貞者，必不能生子也。配耦生子者，必不能守童貞耳。獨聖母能守童貞，並能生子也。得潔淨之德，並得生子之福，而兩者，至甚至極也。蓋所生之子，不但是人，並是天主。生子之後，其貞德愈潔美，豈諸聖女所能及乎？故今欲讚美聖母，大德大福；則曰：衆聖女之間，惟聖母最可讚美。

爾胎子耶穌並爲讚美。

爾是聖母也。胎子，是胎內所生之子也。耶穌是天主降生之名號。凡爲子者，所有之榮光，必推及於其父母。則知厥子之尊高者，自明其父母之貴也。吾主耶穌爲萬物之主，至尊至貴光榮無限，則吾主聖母不勝尊貴，然及不勝光榮自明矣，故聖意撒伯爾，欲大讚聖母，不直言聖母之美，而只言吾主之妙。聖母雖至美至善，而自可讚美，但因生吾主，愈可讚美。則以讚吾主，乃愈讚聖母；故曰：聖母胎內所生之子名叫耶穌，更可讚美。

天主聖母瑪利亞，爲我等罪人，今祈天主，及我等死候。

今是生時也。死候是臨終日也。此者乃求聖母之詞也。聖母既爲天主之母，豈有所禱而天主不允之乎？又既爲我等仁慈之母，及罪人之托，豈有我等求聖母而負於所求乎？奉教者，明知三譬極凶極狠，生時誘人犯罪，至於死時，更加引誘，欲害其靈。故不但求聖母爲一生之主保，並求爲死時之主保，而生時死時轉求天主，救我於魔鬼之狠誘，而賜我等以善生，及福終焉；則曰：天主聖母瑪利亞，今時替我們求天主，並我們將死之時，代求主焉。

亞們。

譯言，我願我望如前所念所求。

○信經

十二位宗徒，未散於天下傳教之前，撰造此經，分定十二位，皆照所見吾主事跡，及所聽吾主言訓，從實紀錄，以爲信德之準則。信一字，卽是目所不能見之事，明悟所不能及之理，但托賴有証知之，而不疑，乃謂之信。信經內事理，乃天主所証，而以多聖迹所驗爲實者，且聖經錄之，聖教會揚之，聖人傳之，而以致身徵之，以爲天主所顯之實者。由此而推焉。可托未曾躬親見聞之，說而不信之乎？世人皆應切信，信者可望升天，不信者必下地獄也。

我信全能者，天主罷德肋，化成天地。

罷德肋，譯言父也。全能者解說，無所不能也。我信未有天地之先，只有一個天主無所不能，而造天地神人萬物無始，而爲萬物之始原，無終而爲萬物之終。向然天主雖一，包含三位，第一位聖父，第二位聖子，第三位聖神。三位只是一性，一體，一個天主，略如人之靈魂，有記舍，有明悟，有愛欲。雖有三司只是一個靈魂。又略如日頭，有日輪，有日光，有日

煖。雖有三件，只是一個日頭，日頭三件，無先無後，有日輪，同時即有日光，及日煖。天主三位，亦無先，無後，有聖父，即有聖子，聖神。聖父，無始，無終。聖子，及聖神，亦是無始，無終。但非有三個無始無終，不過一個無始無終，全能天主。曰，全能者，天主聖父，而不曰全能聖子，全能聖神，因稱全能者之名，屬於聖父，如稱全智之名，屬於聖子，及稱全慈之名，屬於聖神。但實三位只一，全能全智全慈天主，故曰：聖父造天地，即如言聖父聖子及聖神，共造天地一般。

我信其惟一費略，耶穌基利斯督我等主。

費略，譯言聖子。耶穌解說救世者，即聖子降生後之名號。基利斯督乃吾主耶穌職位之名，解說，上鐸德，而萬王也。我信聖父從無始所生，惟一子降生後，名叫耶穌基利斯督，為我等真主也。所謂聖父生聖子，非如人生子也，乃略如人照鏡，而鏡內即生自己之像也。天主聖父從無始之始，明照自己之性，即生自己之像。但因人能力，不勝劣弱，故其所生之像，非活像，不過虛像而已。天主全能，而無所不能，故其所生之像，非虛像

乃實活像，與聖父同一性一體，即所謂第二位聖子；聖父與聖子從無始之始相愛，即發活愛與聖父，及聖子，同一性，一體，即所謂第三位聖神。聖父既生聖子，則爲聖子之原始。所謂原始者，非有時刻先後大小尊卑之謂，不過如次序原始之謂也。所謂聖父與聖子，同發聖神，亦不過聖父與聖子爲聖神，如次序之原始也。

我信其因斯彼利多三多降孕，生于瑪利亞之童身。

其是第二位聖子。斯彼利多三多，譯言聖神。我信第二位聖子，降於聖母瑪利亞胎內，結合與人之性。以時從聖母誕生，聖母受孕及生產之後，仍舊常爲童身，因受孕，非用人道，乃聖神行降生之工也。天主降生，非舊時在天，而後在於地，天主無所不在，未降生前亦在於地，降生後亦不離天。所謂降生，不過天主至尊無對，結合與至賤人之性，故謂之降也。吾主耶穌，雖有兩性，天主性一，人之性一，但其位獨一，並無二位。二性不能分其位，一位不能雜其性，而變化爲一體，故眞爲天主，亦眞爲人。然雖是天主及人共是一個耶穌，略如人之靈魂與肉身共成一人也。論耶穌

爲人，有母無父，論其爲天主有父無母也。曰聖神之工，不曰聖父聖子之工，因降生之工，屬於全慈之情，而稱全慈之名屬於聖神。但實降生之工是聖父聖子及聖神之工也。

我信其受難，於般雀比辣多居官時，被釘十字架，死而乃瘞。

其是吾主耶穌也。般雀比辣多是作官人之姓名。瘞，是葬也。我信吾主耶穌爲救贖萬民之罪，甘心受苦難。當時作官之人，名叫般雀比辣多，其因怕惡黨之讎恨，斷定吾主釘于十字架上死。死後吾主門徒將其聖屍葬於墳墓。所謂天主受難，非天主之性受難，乃吾主之人性受難。但吾主二性既相結合，而不相離。雖兩性之情各有分別，兩性名稱則互相同；故曰天主受難等語。譬如人遇殺身之禍，雖能傷身不能傷靈，但因靈魂與肉身相結合而成一人，故不曰人之肉身受傷，而曰某人受傷也。論耶穌爲人，雖能受難，但其受難之功，自不能是救贖人之罪，論其爲天主，雖不能受苦難但能加無窮之價，與受難之功，令其能贖人之罪，故救人之功，必須二性全備，然後乃成就矣。

我信其降地獄，第二日自死者中復活。

降，是下也。地獄，是古聖之所。自死者中，是從死人之中間也。復活，是再得生命也。我信吾主耶穌之靈魂下古聖之所，親救出古聖人之靈魂。第三日吾主靈魂歸於墳墓，與肉身再相結合。從死人之中間大發光榮復活而出。吾主耶穌死時，雖靈魂與肉身相離。但天主之性不離肉身，又不離靈魂。同肉身在於墳墓，同靈魂在於古聖之所。所謂地獄有三；一曰永苦之所，卽是魔鬼及惡人受永苦之處也。二曰煉罪之所，卽凡生時有微小罪過者，或犯大罪而後真心悔改，明白全告，但不曾補足已罪者，則死後下於此所，以煉補其罪，待補足之日，然後升天，此處之苦，較永苦所絕無相異，所不同者，永苦無窮盡之期，煉所雖多苦楚，終有升天之望耳。三曰，古聖之所，卽吾主受難以前，凡有聖人死亡則下於此所，待吾主降生受難而親降救之，然後隨吾主升天享永遠之福也。

我信其升天，坐於全能者天主罷德肋之右。

天主純神無左右之別，但信經托右字，以便指吾主至尊至貴，則曰：坐於

全能者，天主罷德肋之右，猶如曰，吾主論其天主之性，與罷德肋均享無窮之福，而爲萬物之主。論其人之性，所享之榮福，萬萬超出天神聖人之榮福。坐者，是榮福安隱之謂也。則猶如云，吾主之尊高光榮，永遠不能變移也。我信吾主耶穌復活後四十日，在於門徒及衆善人之前，午時自舉升天，享不勝大福，論其爲天主同聖父一然。論其爲人與神聖相遠無比也。吾主在世四十日，意欲解人思疑，使之切信其復活，故現於教衆親見之也。又以教內事理教訓宗徒，而命傳教於普天下萬民耳。

我信其日後從彼而來審判生死者。

日後，是世界窮盡之時也。從彼，是從天也。審判有二，一曰私審判，卽是各人死時，吾主定其靈魂受善惡之報應。一曰公審判，卽是世界窮盡之日，吾主定萬民之靈魂與肉身，永受善惡之賞罰。生死者，指萬民也。我信世界窮盡之時，吾主耶穌從天下來，審判生死萬民之善惡也。天主定公審判略有三故：一，人所行善惡，靈魂與肉身同行，則兩者同受報應，當然之理也。私審判惟定靈魂之報，公審判乃定兩者永遠受善惡之賞罰也。

二，凡居世者，不拘善惡俱享世福，皆受世苦，善者或受災殃，惡者或受福樂，未可定也。世間視之而增疑者不勝數也。公審判時，萬民則知善者受苦，以煉其微罪，而後報其大善於天堂也。惡者受樂以報其微善，而後報其大惡於地獄也。三，凡人之生或善或惡孰能決判，有似善非善，而世人認錯以爲善。有似惡非惡，而世人認錯以爲惡。公審判時各人之善惡，不拘幽明皆顯靈於萬民之前，則明見誰真爲善，誰真爲惡也。

我信斯彼利多三多。

斯彼利多三多，譯言聖神。我信聖神爲天主三位中第三位，從聖父與聖子於無始之始，同發之活愛也。與聖父及聖子，同一能，一權，一性，一體，一個天主。

我信有聖而公，厄格勒西亞，諸聖相通功。

厄格勒西亞，乃西音譯言天主聖教會。奉教皆不論南北東西，遠近多寡共成一個聖教會。此會有教化皇爲主，管理聖教會之事。其有垂訓奉教者，必須遵守也。謂之聖者，其故有二，一因立聖教會者，乃天主耶穌萬聖萬

善之根原。二因教中規誡，皆係爲善去惡之事，而教中道理無不聖也。三，因此教會所出聖人，不勝數也。謂之公者，因非一方一國之私教，乃是普天下萬民該守之教也。諸聖者，指教中諸聖人及善人。相通功者，解說，凡教中善者，所行之聖功，衆善者皆有分，而取其益也，如一身之百肢俱享一肢之康，口所食美味，一身百肢皆取其益也。故曰：我信普天下惟天主教會，爲聖會，爲公會。而凡教中善人，所行之聖功，衆善者，皆得有分耳。

我信罪之赦。

赦罪之禮有二；一曰領洗，一曰告解。領洗者，乃吾主耶穌所定之禮，以赦人之原罪，及進教以前所犯之罪。告解者，乃吾主耶穌所定之禮，以赦人進教以後所犯之罪。故曰：我信惟天主教中，有赦罪之真禮，赦罪之權，而聖教外並無此禮，及無此權也。

我信肉身之復活。

我信世界窮盡之時，萬世萬民之肉身復得生命，則善者之靈魂從天而來，

惡者之靈魂自地獄而出，皆與原舊之肉身再結合，而成原舊之人。因人生時行善惡非靈神私行，乃靈魂與肉身共行之故，復活後必靈魂與肉身同受善惡之永報。

我信常生。

所謂常生有二；一曰永福之常生爲真常生也，蓋生者安樂之謂也。一曰，永苦之常生爲真常死也，蓋死者苦楚之謂也。我信萬民復活後，各人之靈魂永不能再離原舊之肉身，而萬世萬民，常在常存，永不能再死，或升天常享永遠之福，或下地獄常受永遠之苦也。

亞們。

譯言真實也。此十二端無不真實，我無不實心而信也。

○天主十誠

是天地大主，命人所當爲之善，禁人所當戒之惡也。初始天主銘此十誠於人之心，後書之於石板，命人遵守。迨降生居世之際又親口頒之於世，萬世萬民不論何等，不拘貴賤俱要嚴守。守者皆得昇天享無窮之福，犯者皆下地獄，受無窮之苦矣。

第一誠，欽崇一天主萬物之上。

卽是愛慕天主勝於萬物，寧失落父母與本命及世間諸物，不可得罪於天主。吾主曰：凡爲守我命棄家，或兄弟，或姐妹，或父母，或妻孥，或田地者必受天堂常生之報矣。主又曰：愛己生命於今世者，失之於天堂矣。惡己生命於今世者，保之於天堂無窮之命也。此者在世愛慕天主勝於萬物之謂也。

陳列犯誠罪端以便人知而得戒之也。

信菩薩雖不拜，或拜菩薩雖不信，或服事菩薩雖無心，或請別人拜菩薩，或別人禮拜時，我同在聽其所行之禮有罪。

在菩薩及邪神面前發誓，賭咒，許願，求福，祈祐，點香，點燈，供養等情，有罪。

凡所謂邪神者與菩薩同惡兩者，天主禁止一然吾論之亦無異也。

打掃，或潔淨，或裝飾，或齊整，凡屬安置邪神之處，或墁畫邪神之像，或整邪神之龕，或造邪神之廟，或別人作此等之事，我服事或帮他作有罪。收拾邪神之像，邪神之經本，異端之書邪教之記號，或賣或送此等之物與人，有罪。

凡不合天主教之端謂之異端，凡有異端不正之教謂之邪教。

誦菩薩經，念菩薩咒，作菩薩齋，設菩薩醮。或幫別人作齋設醮等，或食邪教之齋，如觀音齋有罪。

凡食齋者，若欲領洗或告解，先要開齋然後可也。

作菩薩會，如觀音會，天妃會，關帝拜把，拜盟，結盟，盟血等類，有罪。

凡作會，及拜盟者，若欲領洗或告解，先要出會絕斷衆會友，與衆拜兄，並除絕本名於會簿，及於衆兄各盟單，然後可也。

送錢等物與人，作恭敬邪神的事有罪。

寧爲此事而致命，必不可出錢也。

因別人以服事菩薩爲本業，故我濟之給之如施盞飯，及盤頭米等類有罪。

與還其服事菩薩之勞，及與令其存，不絕其本業之罪，無不相同。

取邪神之名，及吉兆之名，以稱自己，或家人，或正月與別時，貼有異端之對子，或詩，或文等類，或送之與別人貼，或代別人寫等有罪。

顯然知拜邪神之肉，茶菓等物，而不說明，此物是非真假，冒食冒領有罪。

每遇外教人，送此等之物，與我處或請我往別處食，若非顯然，暗心知之，則不必說明，亦不必問來歷就食就領可也。

別人在菩薩面前唱戲以恭敬或恭賀，或感謝之，而我往至戲臺聽之，有罪。

求錢，打筭，算命，看相，看風水，灼竈，點時，擇日，遂鬼，問鬼，契神，貼符，戴符，戴菩薩耳環，手鐲，腳鐲，頭巾，壽星公，及鑿鎖鍊等類有罪。

爬龍船或燒紙錢元寶，或請人燒及買，或替人燒及買，或賣或送，與別人燒有罪。

凡有本係敬邪神之物而無別用者，與紙錢同論則戒之一然。

拜蒼蒼有形像之天，或言之以爲明鑑，或向之求福祈祐，有罪。

起屋之時，拜祭棟梁或魯班師傅，或請別人拜祭，或別人拜祭時節，我同在聽其所行之禮，有罪。

整房子時掛紅於棟梁，及門頭，或安珍珠於房脊，或放銀於牆腳，及門腳之下，以爲吉兆有罪。

信夢，鴉鳴，鵲噪，燈開花，竈火笑，以爲吉凶之兆頭有罪。

信各樣虛妄兆頭，如因虛想某事爲吉兆，故行之。或因虛畏某事爲凶兆，故戒之有罪。

人死之時，放銀定口，或葬之時，裝壽飯，及壽穀或點萬年燈有罪。

送殯之時，領別人行送有異端之誅文，或元寶紙錢等類有罪。

行過分之禮，或邪妄之禮，以敬祖先，及不論何等先人，或別人行此禮節，我同在，聽其所行之禮有罪。

若將忠臣敬皇上之禮轉作敬父母之禮，豈不是得罪皇上乎？況將敬天主之禮轉作敬父母之禮，豈不大得罪於天主乎？邪妄之禮雖不爲天主所禁者，原係虛假至甚，自不可行者也。人雖愚者孰以虛假之禮，爲敬父母之禮乎？況係天主所禁者，若有背天主而行之，焉可罰敬而不逆父母者也哉？如向屍首磕頭，本係虛禮又爲聖教會嚴禁，斷不可隨俗亂行也。

拜魁星，及魁字，或爲求得功名有罪。

魁者，乃斗首四星，本無靈明，安能主管科甲功名等事乎？

信祖先及不論先人有靈感，或向之求福祈祐或信其能饗飲食之物，或請其來食有罪。

信祖先及先人之靈魂，在木牌之上，或設立有此意及各樣異端字之牌，或會立無字之光牌，或向此等及各樣邪妄之牌，與碑啼哭，或眞拜，或詐拜，有罪。

別人欲寫我名字，在於有異端之文，或勒石，或帳，或軸，或單，或簿之時我順承不推辭有罪，若自己寫更有罪。

併要盡力速圖。

妄信輪迴托生巫覡邪術，及各樣邪教異端，或口言之以爲正道，或別人言之，而我口阿順有罪。

別人在我面前，欺負毀謗天主教之事，而我阿順不肯駁之，不敢說明是非眞假有罪，若是自己毀謗更有罪。

在人前怕羞奉教，曰我不是奉天主教者，或官司審問我是奉教人否，而我推辭不明說爲奉教者，有罪。

非天主教之主宰，天神，聖人，而強轉做爲天主教之主宰，天神，聖人，有罪。

天主者，乃是造天造地造神造人，造萬物至靈之主，無始無終無形無像，全能全智全善全福，至慈至義至尊至貴，惟一無對及無窮之妙者也。天神者，乃是天主初始所造最靈最神無形像之體居於天堂，永贊天主，而享永遠之福矣。聖人者，乃是天主所寵愛之義子，生時奉天主教，欽崇天主，嚴守天主聖旨，切愛天主勝於萬物，等死後升天，享見天主而受永遠之福，且天主以多聖跡顯之爲聖人，然後聖教會合天主之意，頒行而命奉教者，禮拜爲聖人也。

褻瀆天主聖堂，欺負聖教之禮儀，輕賤天主教聖像，或安置聖像於凡有菩薩之所，有罪。

思疑天主妙情，或天主降生或人之靈魂，或天堂地獄或聖事之跡，或聖經之言，與諸所當信之事，有罪。

虛望天主顯現聖跡，以試天主爲真爲靈，有罪。

有罪而妄說，不必痛悔，不必告解而自得罪赦，自得升天有罪。

托賴天主慈悲，倚賴告解能赦故意犯十誡，更有罪。

絕望天主，量不肯赦，不能赦己罪，或發棄己之心，而曰：隨我犯罪，隨我凶死而下地獄亦罷有罪。

遇患難時，不忍受之，而怨天主不公不靈，應保佑我，而不肯保佑有罪。

因世務忘天主，日久不謝其恩，不發信望愛天主三德之情，有罪。

第二誠，毋呼天主聖名以發虛誓。

凡有真實合理，及要緊之事，而呼天主聖名發誓，有功無罪，呼天主聖名而發虛誓有罪。

凡說謊者，不可謂人可謂魔鬼之子也。聖經曰：魔鬼者，說謊之父也。況說謊發誓乎？

明知無某事，而發誓為有，或思疑有無而發誓為實有，或為實無。明知某言語為虛假，而發誓為真實，或思疑真假而發誓決為實，或決為假有罪。

賭咒與發誓同論，凡有不可發誓之事，并不可賭咒也。凡有以發誓為罪則以賭咒亦為罪矣。

心不願行某事，而口發誓願行，有罪。

凡有心口不同而發誓，謂之虛誓，則此誠所禁也。

發誓心所願行之善事，而後違誓，不行其事，或推延日久而行之，有罪。

發誓不行善事，如哀矜之事念經守齋等類，有罪。

發誓行不合理之事，犯十誡之事有罪，若後不改，而行其事，更有罪。

不顧真假善惡好歹，而常發誓或口慣發虛誓，而不盡力絕之有罪。

呼邪神之名而發誓，呼天呼地作主，而發誓，不論真假不問虛實，有罪。

若欲天作証，故當天發誓其罪同論。

令人呼菩薩，呼天呼地等物，而發誓或使人發誓，所不應發誓之事有罪。

遇不願意之事，而咒人咒己，有罪。

第三誡，守瞻禮之日。一連聖教會四規。

主日及大瞻禮日，作工夫，不停百工有罪。

凡遇最要緊之工夫者，窮乏者，如同缺要緊之糧而務工業者，更有大緣故者此日作工亦可無罪，又教誨學書抄書空身走路，行哀矜之事，及恭敬天主之事，不妨于主日，作工半個時辰之際爲小事。

每主日及大瞻禮日，不到堂聽全彌撒有罪。

聽彌撒時節，萬不可亂想閒事，若有不覺心散就覺就斂，而復想天主之事，有功無罪，百散百斂，如此其功愈盛，病者，出外者，居遠者，看家守店而無別人可托者，更有大故而不出門者，不往聽彌撒沒有罪。

該守小齋時，食禽獸肉，或肉湯或同肉煮之菜有罪。

小齋惟禁禽獸之肉，故另食別物，不妨于小齋，病者，不滿七歲者，最貧而無日用糧更有大故者，不守小齋，不守大齋，沒有罪。

該守大齋時，食兩餐魚飯等物，有罪，若食禽獸肉更有罪。

大齋只用午時一餐，晚間不過略用些微餅茶烟冰，隨意食幾次？不妨大齋，又不滿二十一歲者，貧無用糧者，作勞苦工者，有孕者，乳兒者，不守大齋沒有罪，年中只有八日大齋，就是封齋內七個瞻禮六，及耶穌聖誕前一日，餘外者都是小齋。

每一年不告解一次，不領聖體一次，或遇病重時，而不告解不領聖體，或將入喪命危險之中，而不預先告解領聖體有罪。

所謂喪命危險者，卽是交戰過海等類，年中領聖體之期，即在耶穌復活瞻禮前後，然開明悟孩童，不論何年歲俱要告解，故惟細察其開明悟與否，則以此時爲告解之定期。

不省察己罪，不悔改罪惡，而擅便告解，或告解時，不明白全告，有罪。

併要從新復告，如不曾告解一般，若用心省察，而省察不到，或省察到，但告解時忘記說其罪，告解不全沒有罪，井不必從新復告，只要說先忘記之罪而已。

告解時，神父命念經，拖捨，守齋等功，而不依命行之有罪，若命補還人名聲財物，或命與人解讐和睦，或命除絕各樣犯大罪之根，而承命願行，但後

怠惰，不依命行更有罪，若當時心不願行之，更加有罪，並要從新復告，如不會告解一般。

蓋不願行之者必無定改之意也

凡有大罪者，而冒領聖體，或堅振，或婚配，有罪。

凡有大罪者，若欲領聖體領堅振婚配等聖事，先要妥當告解，然後可也。

領聖體本日，食飲東西不論多寡，而後領聖體，或不明聖體要理，而擅便領聖體有罪。

自正子時起至領聖體後止，滴水不可吞，然後可也。

不悔改己罪，或思疑聖教要緊之端，或不絕邪俗，及犯罪之根原，而擅便領洗或爲貪世俗領洗，有罪。

主日及瞻禮日，不分外念經，及行各樣善功者，有罪。

因聖教之人勤于念經而行聖功，卽知此人必有天主之心，意于念經，情于立功，而謂之有天主之心未之有也。

未熟要緊之經，而不求熟，未明要緊之道理，而不求明，有罪。

兒女家人不守瞻禮，或不守聽彌撒齋期，告解及領聖體之四規，而父母家主不責令其嚴守，有罪。若令其不守，更有罪。

凡有大故者不守齋不守主日，沒有罪，但先要心定實有緣故，然後可也。若是自己難定與神父商議，若無神父，則與善明之人商議，依其言而行。若心未定，疑疑惑惑不知有緣故與否，而不守齋不守主日，雖真有緣故，不免有罪。

第四誠，孝敬父母。

不聽父母尊長正命，不遵國家義法，不從老師之善訓，有罪。

孝與逆者必受賞罰，不但身後，且在生時。亦受之也。聖經曰：『孝子之賞乃得長壽，逆子之其罰短命也。』

聽父母非理之命，或因聽父母之命，故犯帝王之命，或因遵帝王之命，故犯天主之命，有罪。

自誇能德，而厭嫌父母醜愚，或不認之爲己父母，或妄認別人爲父母有罪。心怒，或口罵，或手打父母尊長，或在其面前驕傲，或在其背處毀謗，或輕賤凌辱父母尊長，有罪。

不勉力供養父母，不盡力醫治其病，不專務安其身而樂其心，或願父母早亡以得家業，有罪。

父母信從邪教，或別犯大罪，兒女不苦勸之，歸正遷善，有罪。

兒女不遵行父母死時，所遺下之正命，或父母遺下家業與兒女收，兒女竭力照其家業多寡，速還父母所遺之債，有罪。

父母奉教死亡，兒女背忘，不依天主教規，替他立功，如不念經祈主，不行哀矜之事等類，有罪。

凡最孝敬父母者，惟愛父母所正愛者，父母行正愛者莫若于兒女，顧其所需者也，父母死亡以後所能者，惟聖功焉，世物爲其所不能用者也，凡有獻先亡父母所不能用之世物，而慳吝其所能，及所用之聖功，何能謂之愛父母所愛而盡孝子之道乎，然世俗以獻世物爲孝者，天主以立聖功爲孝者，孝孰真乎，孰可取乎。

父母家主，不嚴訓兒女家人，勿往于有犯罪危險之地，及勿行常陷其于作惡之事，或不逼其隔斷損友，及除絕各樣犯罪之根原，有罪。

兒女家人不奉教，而父母家主，不竭力勸之進教或奉教犯罪，而不嚴責，或不熟要緊之經，不明要緊之道理，而不盡力教之，令其學明，有罪。

懶惰于教兒女，而以兒女惡性之言，掩己懈心者，不勝數也，教兒女讀書生業任苦，及最難之事，一一如意，教之熟經守教最易之事，皆負于意，豈由兒女惡性，而不由父母勤于教之世事，而惰于教之靈魂之事乎，日後兒女背逆父母，而陷之于地獄，固其懈罪之罰正義耳。

初生兒女，而不送堂領洗，或推延送領洗，有罪。

居遠者，遇便就要送領洗。萬不可失機會矣，近者：八日之間必須送領洗，不得遲延八日之外矣。

賣兒女姐妹，或送與外教人養，或嫁女姐妹與外教人作妻，有罪。

兒女家人饑寒，而父母家主不顧其衣食，或病而不醫治之，或無罪而毆打之，或有罪而責之過度，或虛待之不問何樣，有罪。

兄弟不和夫妻不睦，相爭相鬪，有罪。

受人之恩，而以讐報之，有罪。

第五誡，勿殺人。

心讐恨人，或憂人之福，樂人之苦，或願人受害，恨人之安，或願人早死，恨人壽命，或謀想欲害人，或口罵詈人，或咒阻人，或手棍等毆打人，或用刀藥等殺人，或明害人，或暗地害人，有罪。

致害多寡，要補多寡。

因挑唆誣告毀謗凌辱別人，故其人受害，如失爵位敗名聲損貨財，壞身命，生疾病，受人讐等類，有罪。

致害多寡，要補多寡。

醫學不精，不知病原，不識人之資稟，不明藥性，而行醫法，有罪。若輕用藥與人食，而害其身命，更有罪。

並要補所致之害，及所受之藥銀，工銀等。

厭生女孩，故淹死之，或嫌生子故損其命，或用藥打胎墮孕，或願妻早死以便另娶別女，有罪。

勞病瘟病等病者，將死未斷氣時，以漿糊塞其口鼻等孔，或搬出于街上，及不論有不便之處，致其速亡，有罪。若因虛畏凶兆，故行其事，更有罪。

自怨自恨，或得有死亡之機會，或尋喪命之路，或恃己力，不避害命之危險，有罪。

自傷己身體，或食飽過度，而害己身，或有病時，食反病之物，而加己病或食醉酒，而迷己心，有罪。若醉酒時亂行，如害人行惡等情，更有罪。

自割自縊，服毒投水投火等死，有罪。

恨人之善，喜人之惡，或減損人之善，或加增人之惡，或以巧言顛倒人之善行，或以甜言諂諛人之惡行，或賀人犯十誡之事，如娶妾，拜邪神等類，有罪。

以不好表樣致人犯十誠，或阻人立功，一切凡有令人退善做惡，有罪。

與人談論，或講道時，言異端，以爲正道，及正道以爲異端，或言惡事，以爲善事，及善事，以爲惡事，或言大罪以爲小罪，以小罪以爲大罪，有罪。若致別人亂行，更有罪。

見人相打，知人有讐，力可和解，而不和解者，或知人受苦，知人臨死，知人陷罪，力可救免，而不救免者，有罪。

知孩童病危，力能權洗而不與洗者，有罪。

知教中人病危而不盡力，早請神父解罪等有罪。

第六誠，毋行邪淫。

凡行邪淫之事，不問何色何樣，或行女色，或行男色，或行手色，或娶妾，或奸己婢僕，或姦人妻女，或僭人之夫，有罪。

凡有犯邪淫罪者，而天主未遂降殃，非不怒而寬其罪，不過待其悔改。若不悔改則天主聖怒愈甚矣。聖經曰：『爾勿自謂我已犯罪，今患何在乎。』天主雖寬忍，必有時而報，忽然則降禍矣。

眼看淫污之色，耳聽邪穢之聲，口道淫慾之言，手弄污穢之物，身動邪淫之事，有罪。

心中樂想男女，及各樣邪淫之事，有罪。

不隔絕所引我犯邪淫之男女，或不遠離有犯邪淫危險之地，或不戒常陷我于犯邪淫之事，雖不至直犯邪淫之罪，有罪。

不絕各樣犯邪淫之根原，譬如讀淫書，或看邪像，或歌唱淫詞，或聽邪話，或喜摩自己或人之身體，或與好色之友相交，或與童女暗地私論，或飲多酒等類，爲我犯邪淫之根，而我不戒之，不至直犯其邪淫之罪，有罪。

與別人作媒娶妾，或感動引誘別人作污穢之事，或開別人行邪淫之路，不問何樣，有罪。

夫婦用正道而行，合禮之色，沒有罪。夫婦不用正道，而行不合禮之邪淫，不問何色何樣，或相共行邪淫，或自私行邪淫，或心中樂想男女，及各樣邪淫之事，有罪。

妻不願夫出外，而夫不隨妻意擅便出外，日久不回，有罪。若因出外，致或一或二者，犯第六誡，更有罪。

夫婦無故不合房，一願一不願，或合房不避家人目，有罪。

第七誡，毋偷盜。

取非理之財，或不公之利，或行逆義之事，有罪。

併要補還。凡取人之財，而財之主，無允意，或雖有允意，但出于不得已，不出于本心，此者皆爲非理之財也。凡取非理之財，而收之于家，即如藏火于衣櫃，不欲以非理之財增富，反致損己合理之財，至于不勝窮矣。又取非義之財，不如包毒蛇于懷，蛇只害我身，非義之財，害我家業名聲身體，及靈魂而致我日後墮地獄，受永遠之貧苦，可不戒乎？

搶奪，或偷盜，或瞞騙人之財，或謀古田宅，或倚勢嚇騙，或拐帶孩童，或開賭欺人，或霸占行市買賣，有罪。

併要補還。

買賣交易不公，或醜物當好賣，或假物當真賣，或低銀子當高用，或小秤尺升當大用，以交貨與人或大秤尺升當小用，以收貨于人，或合本混瞞數目，或調換貨物，或打斧頭或打後手，有罪。

併要補還。

受人之托買物，而謀圖賣主，像我用錢，有罪。

偷錢之害惟一，貪預備用錢之害有二，一重買。一買醜物。其罪豈不重于偷錢之罪乎。

同行客商，及工匠等，結黨相約起價，不許減價賤賣賤雇，有罪。

價錢不公，或不償人工，或不納銀糧，或欠人債，而推延還，不竭力速還，有罪。

尋着人物，而不還原主，或逼原主出錢贖之，有罪。

明知偷來之物，而受人寄托收藏，或用或買其物，有罪。

併要補還原主。

幫助，或吩咐，或允諾，或開路或引誘別人偷人之財，害人之物，行非義之事，有罪。

致害多寡要補多寡。

因生或借銀穀等物故取利，或因放債，或放賑，或放穀故取利，有罪。

併要補還所收之利，若因生借放，恐受害方可約定求時取利補害。論害有三：一謂缺利，即因借銀致阻誤我本業之利；二謂損財，即因借銀致阻廢我財；三謂危險，即借銀而無恐人死，或走或窮或強而不還，則可議取利多寡，照已受害危險之大小。

因先交貨物，故謀圖重價錢，或因先交價錢，故謀圖輕買貨物有罪。

併要還出公價外之銀，或補足公價而已，若因交易恐受害，則可重賣輕買之多寡，照已受害之危險。

別人將田宅等物，當在于我處，而我收其田宅之利如田宅之租等，有罪。

併要補還所收之利，若因當之物恐受害，則可取利補足己害，凡物之益損，皆歸于物之主，物壞原主失之，物益原主收之，別人所當之物于我處，乃別人之物非我之物，別人收其益，自然之理也。

凡應補還者，若不能于一次全補，則分作幾次補，譬如欠四兩，而今日不能全補者，則照自己力量補，或二兩或一兩或幾錢，來日補亦然，至補足四兩止，若總無力量，立定主意後來可也。

第八誠，毋妄證。

誑言，虛誕，說謊，胡說，亂講，詐話，妄證，有罪。

聖奧思定曰：一句虛言雖能救天下，倘且不可，況妄證之名聲乎？故有諺曰：若要平安過日，獨聽獨見而無說也。

傳人是非，謗人長短，露人醜事，以讒言，害人之名聲，以惡語損人之事，有罪。

傳害人名聲之密罪，雖真實無虛假者，定要補其所害之名聲，若是真實，及衆人知道之罪，則可免補前時害人名聲，因傳其罪某人知，今補名聲則在此人面前改口說明，前時我對爾說錯某事或說虛說假某事等語然後可也。

出名妄告，或代人虛告，或強證爲實，或稟官誑言，或幫助引誘別人誣告，或不辨真假代人寫狀，有罪。

寫假文契，或寫虛文約，或寫僞合同等類，有罪。

見人毀謗，而以巧言挑之毀謗，或以阿言引其毀謗，或無憑信害人之讒言，有罪。

擅開，或擅看人之書啟，擅查人之密事，或受人之托密事，許必不洩露，而後露之，有罪。

無故無憑，而心中疑人犯罪行惡，有罪。若有故有憑而疑無罪。

譬如某人慣偷人物，今到我家，偶然失物，疑其取之無罪，若疑好人取之，有罪。

第九誠，毋願他人妻。

心願人之婦，或人之夫，或樂想邪淫之事，或心願行第六誠所禁之事，雖不至行之，有罪。

第十誠，毋貪他人財物。

心願偷盜，或願取非理之財，或願行第七誠所禁之事，雖不至行之，有罪。

凡有心內起惡念，如貪財或邪淫之念等，就起就退，不留在心，有功無罪，若懷之于心，則罪成于內，凡欲退惡念，必宜懇望天主，祈求聖母，轉求天主賜以退惡念，或想天主妙情，或想天主受難，及諸洪恩，或想萬民四終等，如此而想則可退諸般惡念矣。

右十誡，總歸二者，愛天主萬有之上，及愛人如己。

凡欲愛人如己須先知愛己。聖奧斯定曰：『爾先知愛己則許爾愛人如己。』未知愛己，恐壞人如己也。爾既愛己，必勸于行善，爾既愛己行善而愛人如己，則亦愛人行善如己，此即天主所命最正之愛也。爾欲行惡而愛人如己，則亦愛人行惡如己，此即天主所禁最邪之愛也。不躲避犯罪之危險，願作往常所陷我于犯罪之事，雖不至直犯其罪，有罪。與直犯相同。

幫助，或吩咐，或使令，或允諾，或引誘，或開路，或以不好表樣引動我犯罪者，與該儆責我，而不儆責者，皆與我相通罪，又更加不愛人之罪。

凡十誡之內，有難明之事，不知可行與否，必須與神父商議，依其所言而行。若與別人商議恐顛倒其理，而致其人亂行未可定也。

世人罪端不能盡寫，此不過略言之。凡欲全告者，另須嚴察本身之惡及本業之罪，以便告解時，自己洩露己罪，而不必待神父問之也。若因不嚴察故忘，記說己罪，或因神父不問故隱瞞不說己罪，則係告解不全，而大得罪于天主者也。

○聖教四規

聖教會欲奉教人嚴守十誡建立四規，奉教者不論貴賤俱要遵守，凡有無大故而犯必大得罪于天主。詳見天主十誡第三誡。

一，凡主日及諸瞻禮之日，宜與全彌撒。

定與彌撒之期，欲人以外禮而證，其恭敬天主之實心。

二，遵守聖教所定齋期。

設克私慾之法，以勉人不至犯誡。

三，告解至少每年一次。

或有人犯誡，教之不懶於滌罪之神工。

四，領聖體至少每年一次，即復活瞻禮前後。

定領聖體之期，欲人得神力，可勝三讐，而全依天主聖旨。

○聖事之迹

仁慈天主立定聖事迹之禮，以便人遵行，而得進及至于信望愛天主三德之至。·可得有以有形像之禮，行愛敬天主之功，而表出內心愛敬天主之情也。·愛敬天主之禮有二，一，即是無形像之內禮。·此者，以內心信望愛天主三德而成。·二，即是有形像之外禮。·此者，以聖事迹之禮，而行天主之恩，非獨人之靈魂受之，即人之肉軀所受之恩，亦不勝數也。·故不獨靈魂以無形像之禮，宜愛敬天主並肉軀以遵行有形像之禮，宜愛敬之也。·愛敬天主之禮雖多，但聖事迹之禮爲獨重，故最虔恭敬天主者，即善用聖事迹之禮也。·然奉教者既所敬者惟一，其所行之禮以敬之，必宜爲一，而不可爲二也。·又奉教者既相合于一志，而與外教者相別不同一志，必須有一表心之外禮，爲其相同而與外教者相別之號矣，此者皆全備于聖事迹之禮也，天主定之即亦此意也。

聖事之迹，乃吾主耶穌所定有形像之外記，以表其生無形像之聖寵，于領者之靈耳。

此者皆爲諸聖事迹之共效也。夫聖事迹者既有生聖寵，及赦人罪之能，必屬於無能染罪者，及全能全善者，方自能立定之也。人爲至微至弱而能染罪之汚，何能立之乎。獨吾主耶穌全能全善，而不能染罪者，故自能立聖事之迹也。或問：帝王亦恆赦人之罪何也？曰：帝王不過能赦法律，所定之外刑，人靈之幽惡，其赦不能及也，故得免外刑而不免下地獄者，不勝數也。然帝王赦外刑之權，非自有者，乃由天主而有也。是以帝王所免受罰之人，天主或不赦之，故不受帝王之罰，而受天主降之世苦，爲其罪罰者，亦不勝數也。

凡所謂聖事之迹生聖寵，非能自生之，不過爲生聖寵之器具，卽天主所用以生之也。略如工匠用器具以整樓臺，豈有器具自能整之乎。然聖事迹者，雖本有生聖寵于領者之靈魂，非屢屢生之，不過照領者之善惡，或生或不生之也。人若違天主所定之規而領之，則得其生聖寵于已靈魂，人或背逆規矩而領之，不但負于其生聖寵之效，且加一件大罪。比之良藥雖本能治病，非每治之，不過照人之資稟，或治或不治，而且加病也。所謂聖寵

者則是天主所賦于人，無形像之神恩以立其爲聖人；聖人者在世爲天主之義子，死後偕天主大父永享天堂之榮福矣。

吾人在世不能通達無形像之神物，必托有形像之物方可略明之也。故吾主定立聖事之迹則用有形像之物，令人悟知聖事之迹所生無形像之聖寵。然用有形像之物，非用不拘何物，不過用能與聖寵略略相應相稱之物，方可表出聖事迹所生之聖寵；如定立聖洗，只用清水，因水本能洗肉身之污穢，故行聖洗之禮，用水洗額以表內用聖寵，以洗靈魂罪之污也。

聖寵者，爲聖事迹之共效驗。其外領洗，堅振，神品，三者另有付神印與人之效也，神印者乃天主所賦于靈魂之號，賜之以領洗或施別聖事迹之能，今其與不領者相別矣。如聖洗所付之神印，賜領洗者，以領別聖事迹之能，令其與外教者相別，如家內家外者相別一然。堅振所付之神印，賜領堅振者以領神品之能，令其與不領者相別如幼者壯者，相別一然。神品所付之印，賜領神品者，以行及施別聖事迹與人之能也，且令其與衆教友相別如尊卑相別一然。凡神印者永遠不滅而常常在，故此三聖事之迹，只得

領一次，永不可再領第二次也。

吾主所定聖事之迹有七；聖洗，堅振，聖體，告解，終傳，神品，婚配，七者全備，然後聖教會得立而存，比之世界，必須全備七件，方得成就耳；卽是人生于世一，長而壯二，養育之三，治其病四，補其病後之弱五，制其肉身之權六，傳人類者七，七者皆爲最要緊者，而全備乃足以存此世界也，故不可減並不必加一也。聖教會所最要之事，皆以七聖事之迹全備也，蓋以聖洗得人之靈魂生于天主，以堅振得堅其神力，以聖體得養其神命，以告解得治其罪病，以終傳得補罪後之軟弱，以神品得制其靈魂之權，以婚配得增教友之數也。七中缺一則不足矣，七上加一並不必也。

○聖洗聖事之迹

聖洗有三；水洗一，血洗二，火洗三。水洗卽是所謂聖事迹之首也，其說詳于後。血洗卽是爲主致命，火洗卽是熱心愛天主勝于萬物，及熱心恨己罪，在萬苦之上。三者不拘何洗，皆能救人之靈魂。故凡係爲主致命者，或發愛天主最切之心者，雖不得領水洗，但有領水洗之意皆蒙罪赦，及聖寵之恩，而得升天堂享無窮盡之福也。

聖洗者，乃吾主耶穌所定之禮，以洗領洗者靈魂之罪污，全赦原罪本罪之惡及二罪所相應之罰。使領洗者，得靈魂超性之生命，今世與聖教會爲一體，死後得嗣天國萬福矣。

此者皆爲聖洗之效矣。所謂本罪者，卽是各人自己所犯之罪。所謂原罪者，卽是元祖所遺下于衆人之罪染。蓋元祖自己所犯之罪，其後代萬國子孫莫不染之也，乃萬民所染原罪出于元祖。略如穢水出于穢泉。苦菓出于苦根矣。惟吾主及聖母，潔淨至甚雖爲元祖後代不爲原罪所染，而當爲潔淨

，無罪之污者也。所謂生命者有二；一，是肉身依性之生命。一，是靈魂超性之生命。靈魂爲肉身本性之生命，聖寵爲靈魂超性之生命。蓋聖寵能使靈魂爲善立功，而行天堂之路，如靈魂能使肉身轉動舉行等。

吾主耶穌立聖洗爲聖事迹之首，蓋最要緊之聖事迹者，莫若于聖洗也。元祖背逆主命之後人類皆嗣原罪，盡無天主聖寵而其靈如死，然非以聖洗蒙聖寵而再活，永不能入天國矣。吾主耶穌將升天之時謂宗徒曰：爾輩分行普地，訓誨萬民付之以聖洗，因父及子，及聖神之名者，信兼領洗者必升天堂，不信者必下地獄也。以後宗徒及諸位鐸德皆奉主命，而行付洗之禮也。然雖付洗以赦人罪，但赦罪之恩非屬宗徒及鐸德之能，乃屬吾主耶穌之能矣。鐸德不過如器具天主所用以成聖洗之禮，而赦人之罪也。故聖洗之禮不論善惡者行之，無不皆然。聖奧思定曰：付洗者不拘善惡，或宗徒如聖伯多祿或逆徒茹答斯彼此付洗無異領洗者，蒙罪赦及諸恩並無異也。比之大臣奉君命頒赦，赦恩原出于君，大臣，或善或惡頒赦皆同一然。

付洗係鐸德本職，應本堂鐸德施行，若遇幼孩或大人喪命危險，不拘男女

，皆能權洗。然男人在女人不可權洗，若男人不在或不知權洗之規，女人權洗亦可，父母不可權洗己子，若無人而其子將死，不得已亦可權洗，外教者依教會之禮行亦能權洗也。

凡遇在危險願領洗之人，先要以聖教要緊之端教之，令其明白堅信痛悔及定改，然後用清水洗其額，而出聲念天主所定之經言云云。

某

呼之一個聖名

我洗爾，因父，及子，及聖神之名者，亞們。

手洗口念俱要相應，不可先後並不可增減一字。若有以洗不合規而疑誤權洗之禮，必須從新再洗，則曰：若爾未領洗我洗爾云云。

或有未開明悟之孩童，染重病者不在教中，亦不在問父母信與不信，就權洗可也。

付洗之禮有二；一所付之聖水及所念之經言，此者，係吾主親定萬不能絲毫改移。凡遇逼迫之時不論何人皆能行之。二付聖洗之禮節，此者，由宗徒教皇所定而獨本神父能行之。然其禮節皆有微妙奧義。今欲略解之，使

領洗者思之，而取其神益焉。

一，立代父。

凡欲學習者，必須延師教誨，剖開心迷引之行道，然後可謂學習者。將領洗者，始學聖教事理，故請一教中人，有德望者爲其代父，領其入教。日後教訓勸迪終身保任，善則勉之，惡則戒之，此皆代父代母之本職也。又凡爲代父代母者，與其代子代女，並與代子代女之父母，皆不可爲婚，有教規所禁者。

二，站堂前。

將領聖洗者，一向至今，未認天主，妄拜邪神，妄信吉凶，妄行邪妄之事，種種背主，故不可謂天主之人也。今立于堂外，猶願進而不敢進，記憶背主之惡其故也。待鐸德念經，祈求天主，赦罪逐魔，方敢入堂。又領洗爲入天堂之門，將領洗，如將入天堂，故立堂外以表日後能入天國之門。

三，定聖名。

凡初生于世者，則其父母命之一名，以後呼之，領洗者，初生于天主，始

得靈魂之生命，故用聖人之名以名之也。又定聖名，示領洗者，自當以本名聖人之大德爲鑑，而終身竭力效之，且望聖人在天主臺前爲己主保，轉求天主保佑，賜之一生身神之平安。

四，噓氣祛魔。

吾主耶穌在世，向宗徒吹噓而曰：『爾輩領受聖神等。』鐸德師法吾主，則向領洗者吹噓，而求天主，驅逐邪魔而潔淨其心內，爲聖神降居之潔所也。

五，印聖號。

十字聖號爲吾主受難之器，及伏邪魔之權。魔鬼所最畏者，卽此聖號也。故鐸德以十字聖號畫領洗者，爲驅邪魔，使其不復敗損之也。又如有帝王御封之物，臣民不敢霸占毀損。今印聖號于領洗者，則如有天主符璽之物，魔鬼則識爲天主之人，不近前侵害耳。

六，覆頂額。

宗徒在世，代病者祈主，以手覆之，則病痊愈矣。鐸德學宗徒，則以手覆

領洗者之頭頂，而求天主醫其神病，治其神迷，賜以神光，令其能分善惡，可識而行天堂之路也。

七，領聖盃。

鹽有二效；一令物有味不淡，二令物堅久不壞。人情于飲食有味則嗜，無味則厭。至于物情，有鹽則存，無鹽則朽，臭穢難聞，孰敢收而不置之乎？今鐸德以聖鹽授與領洗者嘗之，而求天主賜之以聖教道德之味，令其恆久行道修德，不敢厭嫌改變，且死後天主並不厭其靈魂，反賜之常生而永遠享見其聖容，如此豈不更為最堅久，而天主所最樂者也哉！

八，捧鐸德聖帶入堂。

領洗者之靈魂，如初生孩童一般，孩童習步，自不能舉足安行，必持父母衣襟，漸漸緩行，方能不跌于中路也。今領洗者，捧鐸德聖帶，表示其自難行天堂之路，必須持鐸德教訓然後可也。蓋初領洗者，乃初生于天主，靈魂之神力，未能堅壯，況世路許多危險，邪魔之誘甚多甚狠，若恃己而願行天堂路，可不跌于地獄內乎？必須聽從鐸德教迪，無毫放縱，方得至

萬福之所也。

九，點鼻耳二司。

吾主耶穌在世，以手點聾瘡之耳鼻二司，則其病痊愈，而能講能聽。鐸德師吾主耶穌，則點領洗者耳鼻，而求天主開其內外耳鼻，賜之能明所當明之奧理，及能行所當行之事，可得永厭嫌罪惡之臭，喜聞善德之香，而推及乎衆人也。

十，付聖油。

此油原係西國阿利瓦樹葉汁，用爲良藥，能治瘡病，又能增人氣力。今借此意以表聖油爲靈魂之神藥，卽鐸德以聖油畫十字于領洗者之胸背，而求天主醫其神病，絕其私慾，加其神力，使其能堅持正道德行，雖遇患難不敢變志，切望天主，因此世間暫苦報以永福，是以常念吾主之言曰：『不同我背十字架者，非我徒也。』

十一，付聖水。

水本能洗除肉身之污穢。今借此意，以表吾主耶穌以聖洗滌除靈魂之罪污。

。故鐸德奉天主之命，用聖水洗領洗者之額，而求天主賜之以聖寵，全赦原本二罪，令其生于天主也。

十一，再付聖油。

聖油係慈悲之表，今加聖油表示領洗者，無毫功勞，幸蒙天主之恩愛，選其進教，全赦其罪而立爲天主之義子。凡受天主慈悲之恩者，自發慈悲之心，及于他人，當然之理也。

十二，蓋白衣。

白衣本爲潔淨無染無穢者也，若染之一次，難再得其原白之色矣。故今用白衣蓋領洗者之首，表示其靈魂潔淨，猶如白衣，無罪之污，無惡之穢，並其潔淨，必須永遠存之，則專務竭力，遵守主命，終身不異，若再背主命而染罪污，難復得原舊之潔淨矣。

十四，執聖燭。

蠟燭有光有豎立有熱，光者比之信德，豎立比之望德，熱者比之愛德。今鐸德將蠟燭付與領洗者手持之，表示其不但應全備此三德，而心內常發三

德之情，並要竭力用工而行于外。若無此三德，則不可謂奉教者，而與外教者不異也。

凡居世人，不拘貴賤，不論老幼，皆屬應領洗者。若係未分善惡之孩童，及胎瘋顛者，不必待其本意之願領洗，亦不必待其學習等情，皆就領洗可也。若係分善惡之人，宜備六件而後領洗。

一本意。

卽是甘心情願領洗。若有定不願意領洗者，但或因別人強之，或因其生惡心，故心逆口願領洗，此者，雖外領洗，真不屬領洗者，不過許領洗者，此者，不但得罪于天主，並仍舊爲外教者不爲教中者。若後改心而願領洗，必須從新領洗，如不曾領洗一般。

二善志。

吾主立聖洗之禮，不過爲世人得敬天主，而救其靈魂，非爲人得世福等情。凡欲領洗者，必須依此定志，而領洗獨爲事主願靈，萬不可爲世間貧富苦樂生死而領洗也。若因貪世福而領洗，則大悖聖洗之大意，而得罪于天

主。天主所定聖洗之禮，我冒領以得罪于天主，尚可望天主，以聖洗降福，而不畏降禍于我乎？

三學熟

卽是學熟聖教經文，而事務略明其內事理，然後可求領洗。吾主謂宗徒曰：「爾輩往誨萬民，付之以聖洗。」可知天主定以誨爲先，以洗爲後，萬不可倒轉而以誨爲後，以洗爲先。聖額我略解吾主之言，則曰：「善哉斯言！」人不能愛不知之物，先知其重，後可愛之也。況不知聖教奧理，焉可愛，任勞忍苦攻勝三讐以遵守之乎？論聖教要經，卽是聖號經，天主經，信經，十誡，聖教四規，悔罪經，要理告解諸問答，不論老幼能學者，必當習熟，而略明其意也。若懵懂不能學者，雖不全習熟亦可領洗，若聰明及無怠者，亦不以此爲限，愈習熟愈明徹，愈取其神益也。

四習善

卽是以聖功預備領洗，則未領洗，先宜習行聖教之功業；如拜天主，守十誡，念經祈禱等類，並除絕邪教異端邪俗及各樣犯罪之根原，補還所欠人

之債，所害人之財，所敗人之名聲，及和睦與先相恨之人等類。

五信望愛三德

卽是誠信天主之妙情，並其所垂之言，爲至聖至真矣。堅望天主，今世賜我以聖寵，及身神之諸恩，死後賜以天堂之榮福矣。熱愛天主，及天主所愛之神聖人等。況此三德爲吾聖教最要緊者，可不勉力發此三德之情乎？

六悔改

卽是專心怨恨已前所犯之罪，定心改正，遵守規誡，終身不變矣。六件預備，然後領洗，不勝大益也。

○堅振聖事之迹

堅振者，乃吾主耶穌所定之禮，以增聖寵于人，堅固人于超性之信德，令其誠信天主，且堅壯靈魂之神力，使之不恐懼凌辱患難，不驚畏魔鬼之計謀，而在人之前，勇心認天主，爲萬民眞主，及惟天主聖教，爲正教焉。

此者，皆爲堅振之效也。凡初領洗者，其靈魂之神力，弱而不堅，故難攻敵靈魂之三讐。待領堅振，神力堅壯，則能剛勇攻勝之也。比之肉身初生之時，不過一軟弱之孩童，何能避惡讎而保其生命乎？待身長成，氣力堅固，然後能攻寇讐，而救已於諸害也。聖人恆曰：聖神以聖洗開人聖寵，以堅振增聖寵于人，以聖洗使人生于天主，以堅振使人堅勇於敵仇矣。行堅振之權乃吾主耶穌，付之與宗徒，故其當行堅振之禮，使善領者，皆蒙聖神降臨于其心內也。聖經紀述曰：居熱路撒冷之宗徒聞撒薛利亞人，聽從聖教，則發伯多祿，及若望往其地。一至，卽代其所主賜之以領聖

神，已前惟得領洗，故聖神未曾降臨于其心，且以手撫之，而蒙聖神降臨。所謂以手撫之，非以手覆頂額，乃以手指傳擦聖油之謂也。宗徒奉主命傳下行堅振之權。于後諸位主教故行堅振之禮，乃主教本職，應本主教施行。行此禮時，用阿裡瓦油巴爾撒末二件相交，即是主教，每年吾主受難前一日，所祝聖者。以聖油畫十字于領者之額上，而念天主所定之經。堅振之禮節，皆有妙意，略解于後。

一，立代父。

凡有欲領堅振者，必須先請一教中人，已領堅振者，爲其代父，而迪之領堅振者也。以此者引領堅振者，增益謙遜甘心聽從他人之善教，勿以堅勇神力之念，輕忽司教之勸，而恃己力，虛望攻勝三譬，致冒己于萬罪，而陷于永苦之阱也。另凡堅振代父代母，與其代子代女，並與代子代女之父母，皆不可爲婚，有教規所禁者。

二，以兩手覆頂額。

此者乃蔭庇恩愛之謂也。世間尊長者，或以手覆人之首，無不爲蔭庇恩惠

之意也。如母抱已小兒，雞母覆翼小雞，豈有無愛之心而抱翼之乎？故今主教以兩手覆領堅振者之頂額，表示聖神卽降臨于其心中，寵愛蔭庇而保護之，則生時祐之不畏苦辱，不辭行善之難，而身後攜之升天，享受常生之福矣。

三，用聖油巴爾撒末。

此油者本有潤色之義，故今借此，以表聖神滿領堅振者之心，潤澤其靈魂，賜之以忻勤及勇德之美，乃得感動天主之心，以最愛之也。巴爾撒末有二效；一，令物恆存，不致朽爛。一，發不勝香氣，引人甚樂嚙之。故今借此意表示領堅振者，必須恆心爲善，始終不異，永發真善之妙香，而推及于他人，喜心聞之也。

四，以聖油畫十字。

十字聖號，乃吾教中之號，引人識吾爲教中者，不錯認爲外教者。故今主教以聖油畫十字于額上，表示領堅振者應當竭立顯揚聖教，以爲正教，不得含羞隱瞞以爲邪教也。如人有某官之名帖于額上，孰不欲人知而敬之，

以爲某官乎。領堅振者，自今以後，必使人人識之，爲教中者，而其所最貴重者，莫若于聖教也。以此引人知聖教之真，則其或以思言行歸正，而讚美天主也。

五，以手拍臉。

此者，乃欺負凌辱之謂也。凡居世者，或以手拍人之臉，皆因有凌辱之心也。故今主教拍領堅振者之臉，表示自今以後，凡世人所視爲凌辱者，皆定心忍受爲得顯揚天主之聖名，決意寧受萬苦萬辱，不可含羞隱藏聖教，而背天主之命也。

凡已領洗者，不拘男女，不論貴賤，皆屬宜領堅振者。若係未分善惡之孩童，雖能領堅振，但推延待其開明悟，能分善惡之時，然後領堅振不勝妙矣。凡欲領堅振，若係有大罪者，不可隨便冒領，先要或告解或發上等痛悔，然後可也。若未告解，及未發上等痛悔，而冒領堅振，雖領堅振聖事，所傳神印于靈魂，不但不能蒙聖寵，反大得罪于天主。堅振聖事非可常常領者，不過可領一次。因其所傳之神印，永遠不滅，故凡已領一次者，不拘有罪無罪，萬不可再領之也。

○聖體聖事之迹

聖體二字，解說有二；一，是吾主耶穌本身體。一，卽是聖體之迹。此者包含吾主身體，故謂之聖體之迹，其說略表于後。

聖體者，乃吾主耶穌所定之禮，以隱藏自己身體，在于麵形像之內，及隱藏己身之血，在于葡萄酒形像之內，使麵餅之體全滅，易吾主身體，及酒之體全滅，易吾主聖血。

此者，皆聖體聖事之謂也。所謂自己身體，非虛假畫像死滅之肉身，真是吾主舊時在世，今在天堂生活之肉身。肉身者，非與靈魂相結合，必不能爲生活者也。故每有吾主身體，則有吾主靈魂同在焉。吾主靈魂及肉身，與天主第二位聖子，相結合永不能相離，故每有吾主身靈，則有天主第二位聖子同在焉。第二位聖子，與第一位聖父及第三位聖神，只是一性一體，萬不能相別于體性。故每有吾主第二位聖子，則有第一位聖父及第三位聖神同在焉。卽是一聖體全備吾主身靈，及天主三位一體。聖血亦全備吾

主身靈及天主三位一體，卽與聖體同論。

所謂麵酒者有二；一曰：麵酒之體，卽是麵酒之性質也。二曰：麵酒之形像，則是色味香圓方大小之狀也。鐸德奉天主之命念成聖體之經，以後卽麵酒之體全無，而獨麵酒之形像，仍舊存其內，實藏吾主聖體聖血，代麵酒之體也。且聖體聖事得存恆暫，照麵酒之形像得壞遲速，麵酒之形像存而不壞，吾主聖體亦存于其內，卽聖體聖事悉存矣。麵酒之形像，壞而不存，吾主聖體雖不壞，但真不復在于已壞形像之內，卽聖體聖事盡屬于不在矣。

麵酒之像者，猶如屏帳遮吾主聖體聖血，致人肉目不能見之。略如采色遮蔽板木，令人目不能擊其木也。且人目雖不能見聖體，必宜堅信而不疑之也。蓋此則天主親言，焉可以目不能見之念而生疑心，不實信天主之言乎？卽以理論之，亦可略徵之也。吾主愛人無己之心，最願通其愛情，而與人合于一體，此者，以建聖體乃得全備也。故吾主耶穌願建之，不可勝言。且吾主全能，而無所不能者，既願建聖體，以通其愛情，豈有不能如其

所願乎？聖盎波羅削曰：『天主之言，與行無異，初始無天無地，天主一命，天地則顯。餘物皆然，先無聖體，主命始有，如命則有也，吾人不可不信。』若有生疑心不堅信者，則係犯背信天主大罪者也。

麵餅之像，雖有大小，但吾主聖體，無大無小之別，及無多寡之異，而永永爲一也。鐸德做彌撒時，用麵餅之像略大，以便舉揚時，奉教者得仰瞻拜。領聖體者，用麵餅之像略小，以便領受之也。麵餅之像雖分大小，鐸德及衆人所領者，並不分于多寡，每人皆全領吾主聖體一然。又麵餅之形像，雖分做大小百塊，聖體萬不能分，因每塊皆有吾主全身，略比面鏡照全鏡者，鏡內得見全面，若將其鏡分做大小百塊，則百塊內，每見全面，寸鏡之百塊，雖微雖細，每可照一身之全。况吾主全能，豈不能以小麵餅像之每塊隱藏己身之大乎？

吾主將死升天之時，愛人至甚至熱，不忍與人相別，故留其身體，令人親領受之也。則雖升天，並在于世，而與人不相離也。吾主謂宗徒曰：『我將日與爾輩同偕，至于世界窮盡焉。』又曰：『凡飲食領我者，則我與之同

偕，彼亦與我同偕焉。』凡相愛者，將相別時，必以物相遺相交，以爲其相愛之徵，及相留于心之表也。吾主愛吾人無盡無窮，則將死升天之時，所欲遺于人，非世間金寶等類，乃天上無價之寶，卽以己本體遺之與人，以表其愛人無己之心也。吾主受難前一晚，則將麵酒二物，以己全能變化爲己聖體聖血，賜與宗徒領受之。曰：『此卽是我身，將爲爾輩受難。』又曰：『此卽是我血，將爲爾輩及衆流下，以洗罪者，爾輩每行祭天主之禮，卽行之以記我也。』所以吾主升天之後，宗徒及諸位鐸德奉天主之命，行彌撒大祭之禮，只用小麥麵餅及葡萄酒二物，念吾主經言于其上，則麵酒體全滅。易吾主身體及血，與在天堂無二也。

聖體者，乃吾主耶穌所建者，以存領者之超性神命，養其靈魂，絕其神病，熱其愛德，而合之于天主焉。

此者皆聖體之略效也。吾主耶穌欲表聖體之效于吾人知，則建聖體，只用麵酒普世人常用之物也。蓋吾主聖體養人靈魂，如飲食養人肉身，飲食能存人之生命，聖體存聖寵爲靈魂之生命，令其不犯死罪也。飲食保養肉身

，聖體增聖寵以保養靈神也。飲食治人疾病，聖體加聖佑以除靈魂以前之病，而避以後之疾也。飲食增人氣力潤澤其顏，令其得丰采之狀。聖體增人神力，賜之以萬德萬善之美，令其不勝美麗也。飲食變化，而與人身爲一，聖體既入領者之心內，則通吾主聖德于其人，使其以信望愛三德，與吾主成一體，而合于一心焉。

向時魔鬼謀圖元祖，亞當厄娃二人犯罪，只用好味之物，以誘惑之。二人聽從魔誘冒食其物，而犯天主之命，卽是因飲食之物，失落天主，而致自己及衆人靈魂之死也。天主至仁至慈，欲補二人所貽之害，而拯衆人之靈魂，則將飲食之物，而建聖體然後賜之與人，以爲常生之糧而免永死之計也。向時人以食而冒永死，則今時以食而得常生，不勝宜也。向時一口世物，致人永死，則今日一口神糧，致人常生不勝宜也，且彼此正相對也。況吾主所最願者，惟吾人常領聖體也。人情所最愛者，莫若于飲食之物也，故吾主建聖體只用飲食之物，方得勾引人心趨向常領而蒙聖體之洪恩。聖教會，已定奉教者，領聖體至少每年一次，卽是耶穌復活前後，並每遇

病重，及喪命危險之時，若有懈惰而犯此規，必大得罪于天主。凡欲領聖體者，必須預備領聖體之工夫，及略明領聖體之奧理，然後可領，即凡有大罪者，先要全備痛悔定改，及全告之聖功。若有未預備者，而冒領聖體，則係犯欺負天主大罪者也。又領聖體之本日，必須嚴守齋，即自半夜在正子時起至領聖體之時，滴水不可吞下，若有不守此齋者，而冒領聖體，亦大得罪于天主。病重者，先用飲食之後領聖體亦可。領聖體者，宜先建功，如克己私欲，寡言嘿道念經祈主，認己至賤認主至尊，堅自己之信，固自己之望，熱自己之愛，如此領聖體，更領聖體之洪恩。領聖體之後，亦要默思吾主愛我無己之心，仰望吾主樂居我心中，專心祈主，勿致失落蒙恩最好之機會，全能天主，入我心中之時，正是求恩之時，愈求天主，愈受天主之洪恩矣，詳見聖體要理一部，善生福終一部。

○告解聖事之迹

告解者，乃吾主所定之禮，以赦人領洗以後所犯之罪，及免其所應受之永罰，復賦聖寵于人，使其靈魂復得超性之神命，而再生于天主也。

此者，皆爲告解聖事之效驗也。謂以赦人領洗以後所犯之罪者，蓋未進教以前，所犯之罪，不待告解而後赦之，向時蒙聖洗之禮，已赦之矣，故惟進教以後所犯之罪，本屬告解之禮，所能赦者也。謂免其所應受之永罰，因告解之禮，未必全免所應受有限之罰，故凡告解者，皆應勉力，加功補罪。若有生時，補罪不足，則死後下煉獄，以受補罪之苦，待其補足之日方得升天，享永福也。謂復賦聖寵于人，蓋復賦者，乃賦向時所失之謂也。即告解之禮，賦人以前所失之聖寵，使其靈魂得以前所失之神命，凡纔領洗者，始蒙天主之聖寵，及靈魂之生命，領洗以後既犯大罪，皆全失矣，告解時再蒙天主之恩，而復賦之也。

解罪之權，乃吾主付之與宗徒者，吾主謂聖伯多祿曰：『汝爲盤石，而于此石上，我將創立吾聖教會，魔鬼雖力攻，不能勝之。』又我將托付爾啟闢天堂之鑰，凡于地上屬爾繫或解之罪，則于天上，亦屬繫或解者也。』又吾主，向衆聖徒噓之曰：『爾輩則領聖神，凡爾所赦人罪即赦矣，凡爾所留人罪即留矣。』後宗徒奉主命，傳此權于諸位鐸德，故行此禮，係鐸德本職應奉命者施行，行此禮時，則鐸德代天主位行之，故坐位如上司訊判事一然。凡告解者，若帶刀等器，須先置之，若戴方巾帽等，須先免之，然後跪鐸德傍側，畫十字，念聖號經稽首念解罪經，然後吐告所犯諸罪，每樣所犯幾次承鐸德之命，決意行其所定補贖之聖功，又加痛悔定改待鐸德念天主所定之經，而解救其罪也。

凡願蒙告解之恩，必須預備四件；一省察，二痛悔，三定改，四全告，四件不齊，缺一不全，不但不能蒙赦罪之恩，反加一件大罪，即是輕賤天主聖禮之大罪。若年中只得如此告解一次，則加犯聖教會第三規一大罪，或冒領聖體，則加欺負天主一大罪。若年中，只得如此領聖體一次，則加犯

聖教會第四規一大罪。由此觀之，則以告解一次，致犯四件大罪，多于告解前之罪，凡如此告解者，豈不最狠罪惡，于不告解者乎。若後改過之願，天主赦其罪，必須從新復告，如不曾告解一般，即將以前告解，與不曾告解之罪，一總從新全告，然後可蒙天主赦罪之恩也。今將四件略解于後。

一省察。

先不省察，而後得明白全告，不勝難矣。故凡願告解者，必須照依十誡之次序，逐條省察所犯之罪，每樣所犯幾次，每每存記在心，以便告解時，可得全告之也。若不能盡記其罪，則想從前告解，或領洗以來，所居之地而所行之業，所交之人，然後追想在某地，行某業交某人時，所思所言所行如何，一一對于十誡或犯，或不犯。若有不犯者，感謝天主，若有犯者，復想每件犯幾次。若不能全計罪之數，則想大約犯幾次，亦可。若不省察，故不分大罪之類，不明大罪之數，而告解時說錯或不盡其罪，則係告解不明不全者也。

二痛悔。

卽是心中發怨恨己罪真切之情，寧願死不敢復犯，但因恨罪之心，有異不同，故分上等與下等痛悔矣，上等痛悔，卽是怨恨之罪，爲愛天主多過萬物，比之孝子得罪于親，其因最愛之，而不忍傷親之意，故心不勝疼而悔改其罪也。下等痛悔，卽是怨恨己罪，因懼天主罰之永苦，而不賜之永福等，比之奴僕得罪家主，其因懼家主嚴罰，故悔而改焉。發上等痛悔者，雖不得領洗或告解，但有告解，或領洗之意，定心遇之便就領洗，或告解，必蒙天主赦其罪。若忽然就死，亦得升天享無終之福，發下等悔者，若不得告解，或領洗，而至于死，則下地獄，受永遠之苦；蓋此悔，不能自足以蒙天主赦罪，並要告解或領洗，然後天主赦罪可也。

三定改。

凡能真切悔罪者，斯乃真能定改遷善矣，就能悔恨己罪，而願犯十誡者乎？但悔罪而無真切者，不勝數也。故今將定改一端而另論之，以人更加工于定改，而略補悔罪之缺矣。定改卽是定心以後，寧失世間萬福而受萬苦，不敢犯天主之命。凡定改而不真切者，不過一面定改，一面躊躇改過之

欲，與罪之樂。兩者，于心相攻，不能專一志之決意，行善避惡矣，此不謂定改者也。蓋雖愛善之美，不迂行善之難。雖怨罪之惡，不棄罪之樂。罪樂不棄罪惡何能棄之乎？凡今時不棄罪樂者，來時罪樂必棄之也。嗚呼！我生時所不棄之物與樂，死時一至皆盡棄我焉！爾棄罪樂，則得萬福，罪樂棄爾，則得萬苦，爾預棄之不大幸乎？又有願改過者，但不甚速而推延于來日改之，此者，並不可謂定改者也。凡染多罪多惡者，以改過爲難矣，故推遲于來日改之，謬就大矣。來日未至，又犯罪行惡，則來日一至，罪惡愈多愈衆，來日改之，不愈難哉。今時欲改即能改，今時不改，而推遲于來時改，明顯不欲改耳。

四全告。

即是將已本身之惡，與本業之罪，及各樣罪之數，一一照十誡之序，明白全告于鐸德之前；若有隱瞞一件大罪，或加減罪之數，及屬大罪之事，或疑其罪，而告爲實，或知其罪，而告爲疑，或無其罪，而告爲有，而裝飾其罪，而略說不細詳，而用委曲之說，致鐸德不能明之，則屬告解不全者

也。告解時並不必說閒事，不可露他人之罪，不應講功勞，不宜多話多嘴，不過要說己罪，如在心中一般。譬如犯小齋者，不必說行某街至某家，交某人等情，不過要說無故犯小齋幾次而有病，有某緣故犯小齋幾次，若有鐸德問要緊之情由，則明答之，不可推辭也。凡有從告解以來，無犯大罪者，而疑犯其罪者，而另將已前告解過一二件大罪復告有功，並愈得痛悔，及告解之恩矣。若不復告亦無罪，但恐痛悔有缺而難受告解之恩矣。

悔罪之勸

嗚呼！口言悔罪，而不知悔罪者，不勝數也。乃以一念悔罪經言，或以一稽首，或以手拊胸，自以爲足而曰：悔罪矣定改矣，但實無毫痛悔之情，故永不能蒙赦罪之恩也。聖經曰：『縱爾常呼吾主者，未可卽得入天國也，』正此之謂也。如世間小民，豈因一伏地，一求赦，而就免其所應受之罰乎？蓋痛悔之真理，非在口念稽首拊胸而已，實在人心中，發怨恨己罪，真切之情也。此等之情，亦非偶然而可發者，必須默思數端道理，以熱自己愛天主，及恨罪之心然後可也。詳見默想神功一部，四終略意一部，

兩者包含多端，皆能敗人之心于悔改，隨在各人揀擇三四端而想之可也。凡世人所最恨者，莫若于害己之物也。所最害人者，莫若于罪惡也。若以口恨罪而心不發恨罪至熱之情，則不以罪爲甚可恨之大害，而無所可愛者也。況以此恨，可爲真切之痛悔乎？人略害我，我雖屬不可恨，而最可愛者，我不惟以口恨之，又以心不勝怨恨之也。況罪惡無比之大害，可不恨之乎？且以一犯大罪，則失落天主萬福萬美之根，而得萬苦萬惡之原，不能爲天主之義子，而變爲天主之讐，邪魔之奴，最醜可恨之罪人，死候一至，則下地獄，永受萬苦。世間之苦比之，不能比萬分之一。以此視之，則恨罪之疼痛豈不宜萬倍，大于受世間萬禍之疼痛哉！

凡有行惡犯罪者，必有怨惡恨罪之日，自古至今，自今以後無犯罪，而不恨其罪者也。惟有恨罪，遲速不同，若在世恨罪，則免恨之于地獄，在世不恨罪，則下地獄而恨之，孰恨大哉！在世恨罪，輕且暫恨也；下地獄恨罪重且永恨也。今在世恨之，則因暫及微恨，得免甚大及永遠之恨，不大幸乎？在世不恨罪，則因推辭暫及微恨，得永遠無比之大恨不大凶哉！在

世恨罪，雖輕且暫，不勝大益，卽是可消前惡，而免永罰可增功德而致永福矣。待下地獄而恨之，不勝大害，卽是全亡聖德，而盡失永賞，加增醜惡而倍永苦矣。由此而想，焉可推延于死候恨罪，而不勉于今世恨之乎。地獄之人，所受之苦，甚多甚重，但最難受之苦，卽記生時，犯罪之憂慮，及生時不悔罪之痛恨也。蓋天主賜之多年，以悔改其罪，可得與聖人相同一品，而偕受萬福萬樂于天堂。其不乘時，以悔改過，反空廢浪用日月。致自得爲魔鬼卑陋之奴，而同受萬禍萬苦于地獄矣，以此觀之，則不勝怨，而怨恨之苦，豈不甚難堪之苦哉。凡在地獄者，若以前所妄廢一生之期，今可望復得片時以悔改過，可免所受之痛恨，雖盡棄世間之萬福，而悉受世間萬苦，皆必爲甚易，及甚樂矣。但此片時永不可望，永遠之望，亦不可得故其怨恨之苦，愈深愈重，豈有別有可比之乎？又非一日，一年之恨，百年如是，千萬年如是，卽是永遠無終之恨而已。此怨恨之苦，如何當之哉！嗚呼！彼輩望悔恨之片時，而不能得之，我輩得多年而妄用之，後日欲得之時，以悔改過而不能得之，有何異哉！

罪者，不但有罪害可恨，又有罪惡，愈可恨者也。凡所謂罪惡者，皆因背逆于天主也。天主之性，無窮可慕之妙矣，天主之情，無窮可愛之美矣。凡所逆天主之妙者，則無窮可怨之惡矣，無窮可恨之醜矣。且天主全能，全善，全知，至尊至貴，最可敬者，最可事奉者；我如此至微至賤，不知恭敬，不知事奉，反以罪惡背逆之，可不甚怨哉。我所受天主之恩，不勝數也。天主造我，養我，存我，降生爲人，受難受死，救贖我罪。選我進教，救我于魔鬼之狠，不許我陷于萬危之中，賜我聖寵，引我升天，種種萬恩，不能盡寫。我不但無毫功勞，堪受此洪恩，並屬無心之人，不知感謝我恩主，且敢肆縱行惡而得罪之，此罪之惡，豈不是最可恨，無窮之惡哉！況我所犯之罪，甚多甚重，而犯罪之狀，不勝醜矣。雖不屬天主所禁者，原自爲卑陋至甚，人所不堪聞者，原係背理至甚，人所最當避者，況爲天主所嚴禁者，我又敢犯之，而以此最醜惡，背逆至尊至貴之主，眞我至仁至慈之大父，實實我大恩主。我罪之惡，愈甚愈重，而無所可比之惡，怨之如何？

全告之勸

怕羞有善惡之異，怕羞作惡，最善之羞也。怕羞告解，最惡之羞也。邪魔常嫉妬人之善，而屢謀圖人于惡，故顛倒怕羞之端，以誘人不怕羞犯罪，而怕羞告解。昔有際理樂聖人，看見魔鬼在于候告解衆人之間，而問之曰：『爾來此作何事？』魔鬼對曰：『我來此作好事。』聖人笑之曰：『汝如此醜惡，能作何好事？』對曰：『能補還人之物，蓋已前人怕羞犯罪之時，我奪其怕羞之心，令其不怕羞犯罪。今將告解之時，恐其明白全告而得赦罪之恩，故復還其怕羞之心，令其怕羞告解耳。』可知魔鬼用力以害我輩，勝于我以自救矣。故受魔鬼之欺者，不能盡數而告解者甚多，全告者甚寡矣。則下地獄者最衆，而升天者最少矣。聖味增德歎曰：『怕羞告解而下地獄者，不勝數也！』天主默啟聖德肋撒曰：『下地獄人之大半，皆因怕羞告解，而告解不全其故也。』可不慎哉。

不怕羞犯罪，而怕羞告解，不勝醜惡也。蓋以犯罪得爲魔鬼之奴，以告解得爲天主之義子，爾不怕羞犯罪，而怕羞告解，與不怕羞爲魔鬼醜陋之奴

，而怕羞爲天主姿美之義子，有何異哉！若有不怕羞爲小人卑賤之奴，而怕羞爲皇帝至尊之子者，孰不怨，而爲不勝醜惡乎？況爾不怕羞爲魔鬼之奴，而怕羞爲天主之義子，何不以爲最可怨醜惡之人哉！又犯罪，卽是以罪惡污己靈魂而毒死之也。告解卽是以神藥除靈魂之污穢，及已前所服之毒，乃今其復得前時之美，及前時之生命矣。爾今不怕羞犯罪，而怕羞告解。則是不怕羞靈魂之污穢，而怕羞靈魂之潔淨，不怕羞腐臭永死之靈魂，而怕羞最美常生之靈魂，豈不是無比之愚哉！世人雖最愚者，豈有以污穢之面，爲不羞，而以潔淨之面，爲可羞乎？豈有以己臭爛之身，爲不羞，而以己丰采之身，爲可羞乎？況靈魂犯罪以後，萬穢之穢，萬屍之臭，不能比之萬一，爾又不羞之，非爾被邪魔之狠誘，何能昏迷至此哉！

凡怕羞告解者，皆因妄想而以露己罪，顯己爲惡人，及其神父所可厭者也，而以隱瞞己罪，顯己爲善人，及神父所可貴所可愛者也，不勝大謬矣。蓋爾露己罪，則顯爲善者可愛可貴者。爾隱瞞己罪，則顯爲最惡，最可厭者也。告解隱瞞己罪，魔鬼之誘也，惡人之事也。告解洩露己罪，天主之

命也，聖人之事也。而從魔鬼之誘，而行惡人之事，孰能見爾爲可重之善人，而不見爲可賤之惡人乎？爾違天主之命，而行聖人之事，孰能見爾爲可怨之惡人，而不見爲可愛之善人乎？況人成聖人，莫不由消罪而保德，爲惡者皆由滅德而存惡，以告解已罪，得消罪而保德，則以告解可得爲聖人，將何面見爾爲惡者乎？以隱瞞已罪，滅德而存惡，則以隱瞞已罪，得爲惡人，將何面見爾爲善者乎！先作惡而後成聖人，不勝數也，然其做聖人者，皆因明白全告而起，爾既已學其前惡，而成罪人，今何不學其後善明白全告，以得成聖人哉！

凡人所爲惡之事，大都傍人，不拘親疎，不但得知，並洩露之。凡人所告解之罪，不過一位神父知，其又不能洩露于外。爾爲惡之時，不畏衆人知而洩露之也，告解之時焉可畏神父知爾惡乎！告解之案，謂之密案，蓋此案有規有命，此案之內不拘何事，皆屬最密最暗矣。凡神父所聽告解之罪如同風吹耳一樣，就聽就散，不懷之于心，況能洩露之乎？普世帝王不能強神父露爾告解之罪，不必畏能洩露于外，而污己名也！又告解一事，不

能貽害于人，不論所謂損壞者，毫不能受也。告解之意亦非定其罪，不過赦其罪，令其免下地獄，而得升天享無終之福。以此視之，焉可因狐疑之慮畏全告，故致已失永福而冒永咎哉！

凡染怕羞告解之情，而欲治之勉力全告者，莫若于深思審判之情也。蓋審判之時，萬民善惡一一顯露于萬民知。此時愧恥羞辱不知如何！若將爾所犯之罪，與罪之狀，情由等類，一一畫于帳上，然後掛其帳于市中，衆人明見爾罪何能不羞死乎！況爾所犯之罪，皆顯露于天神，魔鬼萬民，明見此等之羞辱，當何如之！況天主天神萬民皆厭嫌，而怨爾爲不勝惡者，魔鬼歡喜，而戲笑爾爲不勝顛狂者。蓋爾在時，以隱瞞一罪之醜，于一人前致露已萬罪之醜，于天神魔鬼及萬民之前矣。以避羞恥于可憐爾一人之前，致羞辱于怨恨爾之萬民，及于笑爾羣魔之前矣！且以慳吝一言，致已失落天堂萬福，而得地獄永苦，豈不甚可怨及可笑之狂哉。若爾今時預告解已罪，則罪消滅，而審判之日，不能復見醜惡，反見最美最善，及大榮光，大快樂矣，可不慎哉！

怕羞告解者，天主罰之地獄萬苦。

昔有一婦人，犯邪淫之罪，怕羞告解于本地神父，見有遠來之鐸德發憤欲明白全告。告解之時，凡所有罪惡，皆說最明，止是邪淫之罪，仍舊怕羞不說。時鐸德有一位朋友，離開念經，念時覺看婦人，每告一罪，有一蝦蟆，自口出外將畢見有一蝦蟆，比前更大更醜，久在口間，似欲出而不出而後復入，已前出口之蝦蟆隨復入口矣。此位朋友，以此爲不勝怪異，後與鐸德同行，乃將前情由告之鐸德，恐天主以此顯婦人有隱瞞不告解之罪，速回查問以救之也。時此婦已死，二位不勝歎息，恐其下地獄。乃祈求天主三日，天主就令此婦明顯狀貌，甚醜甚苦，頸有一條火鍊鎖着，兩條大蛇遶身嚙胸，兩個蝦蟆咬其兩眼，口鼻俱發猛火之臭氣，頭髮垂下，四足之蛇嚙之，兩個惡狗咬其二手，遍身發猛火之焰，其身跨一大蟒蛇，一切萬苦全備，而漸行至鐸德面前自曰：『我卽是前告解之婦人也，我犯邪淫之罪，比他罪更大更醜，卽是欲出不出之大蝦蟆矣，心想告明，蝦蟆欲出，含而不告，蝦蟆不出而復入內。羞心已定，衆罪全在，無一可赦，故

先出口之蝦蟆隨復入口，然後天主罰我永遠萬苦，我所受之苦，皆應我罪。蓋四足之蛇，嚙頭髮者，罰我在世整髮樂人也，蝦蟆嚙眼者，罰我在世喜看姿美之男子也。口吐猛火臭氣者，罰我毀謗善人，及妄說邪淫之話也。兩蛇嚙胸者，罰我喜男子以手撫我也。惡狗嚙手者，罰我以手動邪事而摩污穢之物也。所跨蟒蛇，內外加苦不勝難受者，罰我身行穢污邪淫之事也。『鐸德問之曰：『凡人墮地獄者，爲犯何罪。』答曰：『世人之罪種種不同，下地獄之故豈有相同乎。我等之人下地獄之故，大都有四。一，犯第六戒邪淫之罪也。二，犯百計飾容悅人之罪也。三，犯信巫覡邪術之罪也。四，犯怕羞告解，告解不全之惡也，如此之婦人已下地獄，不勝數矣。』言畢。所跨蟒蛇輕速而去。望見地開，而墮地獄矣。天主令此婦人，顯如此之像，而說如此之言，引人戒怕告解之惡，免永罰，可不戒乎？

○終傳聖事之迹

終傳者，乃吾主耶穌所定之禮，以堅固病重人靈魂之軟弱，赦免其罪，加其神力，而賜之聖佑以能退魔鬼病重時之誘惑，及賴吾主受難之功勞，堅望天堂無窮之福，又吾主定此禮，以堅固肉身之軟弱，或令其病愈，或令其忍受病苦，及今世之患難，以補平生之罪，而死後得免所應罪之重罰也。

此者，皆爲終傳之效也，救世之至仁至慈吾主耶穌，預備聖事之迹六端。爲世人得靈魂之生命而能保之，及得救其所染罪惡之病，而復得已前之神安，又預備終傳聖事一端。爲病人去世之時，得堅身靈之軟弱，使之能忍受苦，或退魔鬼之狠誘矣，聖雅各伯傳天主聖諭曰：『爾等之有病者，請聖教會鐸德代病人祈求天主，及因天主之名傳擦聖油，則信德之所禱扶救病者，主以周濟其憂苦，併救其所有之罪矣。』

惟神父者，能行終傳之禮，其欲行此禮則奉主命用聖油，傳擦病人之五官

，而念吾主所定行終傳禮之經言。所擦五官卽是司看之目，司聽之耳。司啖及言之口，司噓之鼻。司觸之手足，擦此五官，爲聖教共行之禮。五官或有一不擦，其禮不成就矣。又擦聖油于腰，因其爲色慾之座，惟是婦女之羞愧良多，而外觀亦覺不雅。雖有不擦，而只擦前此五者，則終傳之禮，可謂全備。而病人可蒙終傳之聖規，故遇逼迫艱難之時，而難以傳擦腰間者，則不擦之亦可。

擦目。

病人平時，樂看非禮之色，而以目犯多罪，故今鐸德傳擦聖油于目官。而代病者求天主曰：冀望天主。因此聖終傳及已至仁之慈，赦免其以目所犯諸罪。亞們。

擦耳。

病人平時，樂聽非禮之言，而以耳犯多罪。故今鐸德傳擦聖油于耳官。而代病者，求天主曰：冀望天主，因此聖終傳及已至仁之慈，赦免其以耳所犯諸罪。亞們。

擦鼻，

病人平時，樂嗅非禮之香氣，而以鼻犯多罪。故今鐸德傳擦聖油于鼻官。而代病者，求天主曰：冀望天主，因此聖終傳及已至仁之慈，赦免其以鼻所犯諸罪。 亞們。

擦口，

病人平時，樂嘗非理之味，及樂談非理之言，而以口犯多罪。故今鐸德傳擦聖油于口官。而代病者，求天主曰：冀望天主因此聖終傳，及已至仁之慈，赦免其以口所犯諸罪。 亞們。

擦手足，

病人平時，樂取非義之物，而以手足犯罪。故今鐸德傳擦聖油于手足。而代病者，求天主曰：冀望天主，因此聖終傳及已至仁之慈，赦免其手足所犯諸罪。 亞們。

凡教中，病危臨終者，皆宜領終傳者，若未分善惡之孩童，及胎風顛者，皆不可領。若難知孩童能分善惡與否？則至十歲以後可領終傳矣。每遇宜領

終傳之時，不可以望痊愈之念。延遲至病人昏迷之時，始爲終傳須趁病人心裏明白之時，自發信望愛三德而領終傳，乃蒙終傳之神恩矣。

凡有大罪者，先要告解，然後可領終傳，若不得告解，如失音者等，必須專心痛悔，決意定改然後領終傳，乃得蒙天主之聖寵矣，凡應補還人財，或人名聲者，必須照其力量，速速補還，不可推遲于後，更不可托別人來日代補，若此時萬不能速還，則計明而托別人補還，自然之理也。凡與人相讐者，先要和睦。凡致我犯罪之友先要隔之，一切凡有犯大罪之因由者，必須速速除絕之，然後可望善死之升天，若生怠心而未除之，至于死時雖先得告解領聖體，及終傳不但不能善死而升天，反得惡死而下地獄，受永遠之苦矣。

看顧病人者，如父母家人親戚教友等，一見病危必當勉力提拔病人，辦告解領聖體之功，或令其到堂領之，或請神父臨其室，與他領之，若生怠心之致病者不得告解領聖體而死，則犯不愛人之大罪矣。或病者，得照規告解等，而不便于領終傳，則不請神父傳之聖油，亦可無大罪，若病者至于

不能告解，領聖體之時，看顧者必須請神父傳之聖油，方可免犯大罪矣。然未告解時看顧之，先該講明告解等要理，與病者聽，令其明白，及悔改爲愛天主萬物之上。若因懈怠于教訓病者，故致其冒領聖事之迹，而負其神恩，豈不犯大罪乎？又領終傳前後必須常常勸之，一心順奉天主之命，常發信望愛天主之情，及恆心除絕惡念，而退魔鬼之狠誘矣。

○善終助功

吾友可想平生犯無數之罪，而每每應下地獄矣，天主至仁至慈不罰爾下地獄，反願爾升天。故今降爾此微病苦，欲爾略補前時萬罪，而得升天，爾豈可不勉力忍受之，以爲天主大恩哉！若爾忍受，則合天主願爾升天之意，而爾升天之望不能負矣，若不忍受，則不合天主願爾免下地獄之意，而脫地獄之苦，不勝難矣。况以忍耐，得減今時此苦，而加來時天堂榮福，

以不耐，加今時之苦，又更加來時地獄永苦。若爾恨受苦，何不恨受地獄之苦，而恨此微苦哉？若爾愛受樂，何不愛天堂之樂，而愛今時之樂哉？今時之樂，爲地獄永苦之門，今時之苦，爲天堂榮福之路。吾主在世引吾升天，惟行此受苦之路，爾不以忍受踵之，焉可望升天乎？

吾友生死，俱要從天主之命耳，爾此生命，乃借于天主而來，則不免要交還與天主。自古以來自今以後無不還之者也。爾生乃欠天主之債，爾死乃交還其債，還債，或早或遲皆隨債主之意，爾還此生命，或早或遲皆隨天主之命。天主問而生命之債，而甘心還之，則免負債之罪，而得天主之寵愛矣。況遲還此生命，不如速還，長命不如短命，生命愈短，我罪愈少，生命愈長，我罪愈多，長命有何益哉？爾安可以長命之望不喜短命，而以延死之念不樂今死哉！

又生之時，爲死候驚嚇我之時，生時多畏多懼，皆爲死候所致之也。若今日死則無他畏，而以一死，則免多畏，今死豈不勝美死哉？況以今死得在家安然死，致能預備死候，而得告解終傳之恩，是可望善死而升天。若來

時死，恐得凶死暴死不得告解終傳之恩，而以惡死落下地獄，可不以今死爲天福，甘心忍受之仰承天主之恩哉！

吾友可知，死期爲天主所定者也，天主所定之時，爲你死期則是爾所願之時。爲爾生期，則非若天主定爾死在此時，不論爾願生與否，不拘爾從主命與否，一定死在此時也，以從主命，不能速爾死，以不從主命，不能遲爾死，況以不從主命，陷已靈魂，亦不能救得肉身。若從主命，救得靈魂，亦不致陷已肉身，可不勝樂從天主定我生死之命哉，若有不樂于死則忍耐其死，而勉力專心常念曰：

至仁至慈吾主耶穌，我重罪人，將我身靈奉獻于天主，我之生死病苦安樂皆付托于天主祈求天主命下，如其願也。我無他願，而所願者，惟合主意所以專心決定，自今以後，或生或死，聽從主命而已。

吾友今時盡力專務堅信，懇望熱愛天主，乃緊急之務也。吾教中，最可貴可重者莫若于此聖功也。最要緊者，亦莫若如此功業也。此者爲我們生平常要行，而時刻不可忘之也。況今時，爲爾逼迫之時，魔鬼百計，加虐害

爾之時，豈可不勤慎而以怠心忘之乎？天主所最愛者，惟吾發信望愛三德之情，魔鬼所最恨者，亦莫若于此三德之情也。凡能發三德之情，斯乃能結合與主心，而避魔鬼，斯乃蒙天堂萬福永不陷于地獄也，慎之慎之！而自謂曰：自今以後，凡有背信虛望絕望，怨天主或各樣不合主命之思言行，皆屬因病或心迷所發者，非我本心而願發之也，我心只是信望愛天主，故決意專心常念信天主望天主愛天主，萬物之上也。

凡遇魔鬼投失信之念，必須勇心退之，勿與魔鬼相交論，任其亂說，勿答對之也，只須專務于一心，思念如此我信聖教會，所信諸端或生或死，永不改此心也。或魔鬼巧問聖教會信何端？爾又勿回答之。只將前句轉倒而念。我信聖教會所信之端，或再問信何端？則照前念我信聖教會所信諸端。百問百答一然。

昔有一位主教出路，路中一山林，山內遇有做黑炭一人，主教恐其不明要經，則問之曰：『天主有幾個？』答：『只有一個。』問：『一個天主有幾位？』答：『有三位。』問：『一個何能爲三位？三位何能爲一個？』

答：『不知如何，但神父教我如此。』卽是問：『既神父教爾如此爾說如何？』答：『天主只有一個，一個天主有三位』而已，百問百答如此。主教奇異黑炭人之信德，起身而去。日後主教臨終，魔鬼謀圖陷其于背信之罪，則來辯駁三位一體之道理，而問如前主教明知，與魔鬼辯駁不勝險危，故欲躲避之曰：『我信三位一體，如黑炭之人信之一般，』百問百答一然。魔鬼見已不能伏之，則不勝羞恥，而逃走矣。

凡遇失望之誘惑，則念天主無窮之仁慈，不勝願爾升天矣。蓋升天一事，只在爾肯與不肯，若肯升天，必不失升天之望矣，況天主愛爾升天，勝于自己愛升天無窮矣，安可失望天主，不賜爾升天乎？又非天主愛爾升天，降生受難有何意哉？既受難受苦，只是爲爾升天，何能肯負已受難之意，以不賜爾升天乎？是而若爾堅望天主，則永不負于升天矣。

凡遇虛望升天之誘惑，則念自己所犯之罪，甚多甚重，並無毫善德功績可指也，若深思自己思言行，而對之于規誡及罪宗七端，則知無一誠無一端不犯，並無一不時陷于罪過，正是平生種種萬罪，每每應受萬苦矣，安可

托賴已功升天，而不驚疑下地獄乎？若有時，做善不過好財好名，不可謂真善，正屬做貪之惡而已。如是以想，則行德以事天主，是天主所賜，非我自己所得而有也。況世人所行善德，雖甚美甚多，皆屬本分，永不能出本分外而行之，安可將己善而爲可恃之功哉。且爲聖人者，未有己功而升天，皆係托賴天主仁慈，及天主受難而得升天。況我大罪人，豈可不同一然乎？則爾固自己之望，而只托賴天主可也。

凡遇失愛而怨天主之誘惑，則念天主妙情，全能，全善，全智，至尊至貴，最可敬者，最可愛者，天神聖人最欽崇之。況我至微至小，及卑陋之人，可不盡力甚愛敬之乎？又想天主賜我以肉身，賜以靈魂養我存我，若一刻不照顧我，則消滅而不能在矣。降生受難爲救我贖我，受死爲我常生，以善教我選我進教，賜我神恩，許我永福，扶我升天矣。世間許多危險，許多誘惑，許多災難，我未望求天主而常救我，我有何功能受此恩？況又敢怨恨，而不愛敬之哉。

○神品聖事之迹

神品者，乃吾主耶穌所定之禮，以立人于聖教尊高之位，令其能行所屬本位主教中之事，賜之以成聖體聖事之迹，祭天主之能，及赦人罪之權也。

此皆爲神品之效也，神品包含上下七級，凡至領鐸德上級者，斯乃得成聖體之能，及赦人罪之權；但因此聖事之迹，不屬衆人所可領者，故不明解之也。

○婚配聖事之迹

婚配者，乃吾主耶穌所定之禮，以使一男，以身配一女，而一女，以身配一男，兩者，平生爲耦，特加聖寵于婚者，令其成夫婦之親愛，而防色慾之誘，賜之生育兒女，以善教訓而引之走天堂之路也。

此者，爲婚配聖事之效也，謂一男配一女者，蓋一夫一婦正道，此外婢妾等，皆爲污穢之罪也。一夫一婦其惟一，以一婦配多夫，則悖婚配之正，而犯奸罪，以一夫配多婦，豈不亦悖婚配之正，而犯奸罪哉？

謂平生爲耦者，蓋配合者，終身不可解也。若有欲結婚配不願終身爲耦者，不過照世間順逆或解或不解，何能成婚姻哉？而願終身爲耦，而成婚以後變心改意，退婚相離，卽大悖婚配之義，而犯天主之命也。聖經紀曰：初有天地之時，天主既造成萬物，乃造一男名亞當，一女名厄攬，爲人類元祖，謂之曰：『爾輩夫婦二人，共成一身，』天主所配之人，勿分離也。

·人生之初，世界空虛。天主又不許人改婚，不使犯一夫一婦之正，俾人叢生，而滿世界。今人充滿世界，而反以改婚姻爲不犯信義，及以一夫配多婦，爲不犯正，不大謬乎？

謂成夫婦之親愛者，蓋天主定立人之結配，欲夫婦相顧相愛相敬，同心竭力，終身扶持，勞逸憂樂相共，其一病其一事之，憂則慰之，有子共養而以善教之，若有相棄不顧，不和和睦睦，相罵相鬪，豈無罪哉。然夫爲一家之主，妻當聽夫不犯理之命，此一定之理，而不可易也。

謂生育兒女者，蓋天主定婚配之禮，以傳人類，若有夫婦不用正道，而行非禮之淫，卽害人類而悖婚配之原義。然務生兒女，而不務以善誨之，急于養兒女之身，而怠于養其靈則失天主之本意。謂防色慾之誘，蓋凡生之人，皆居污世負色慾之軀，恆受魔鬼之慾誘，若無婚配之正禮，恣好淫者必不勝數也，若得正配，則可行正色，而免犯淫。故凡有夫婦無故不合房，一願一不願，豈不犯信義，而致相陷于邪淫之危乎？

凡議親者，或主婚者，或嫁娶者，各該明婚配，如何，然後聘約定親可也

• 若聘約前後，有不明之理，或成婚以後，有不合規之事，必須與鐸德商議，求迪解疑。若有不知婚配之要，並自專自用而行，成恐悞男女大事，而陷于深阱，致其終身抱恨，而身後受永遠之苦矣。

在聖教婚配，乃七聖事迹中之一，吾主所建定，以加聖寵于婚配者。故凡有大罪，而欲婚配者，卽成婚臨期，必須或告解或發上等痛悔，然後可蒙聖教，婚配之聖寵，若無告解及無痛悔，不但無聖寵，反大得罪于天主。外教者婚配，若不拂本性之慾，實爲婚配，然有異于聖教婚配，無婚配聖事也。故外教者，雖有婚配，不能蒙聖教婚配之神恩，如奉教者之婚配焉。• 若外教者成親以後夫婦兩人俱已領洗，則其婚配成爲聖教之婚配焉。

或問結婚與守童貞孰爲貴乎？曰世俗以結婚爲貴，以守童貞爲賤，但非以理而推之，不過以本情之慾而言之也。俗人之德力不足守童貞，故借結婚爲貴之言，以飾其好色之心，托守童貞爲賤之說，以推辭其恣慾之罪也。最貴之寶非貴價不易，微價而易貴寶未之有也。最大之功非大勞不成，逸樂而成大功豈有之乎？凡結婚者，不必德力勞苦而後結婚，反以本性之情

慾而向望之，故世人照其修身克己情慾與否，或求配合，或不求之也，卽愈從己情慾而好色者，愈樂求之，愈克己情慾之好善者，愈遠離之，此者豈由好色者德力甚大，而善者否乎？豈由結婚爲貴而貞德否乎？

守貞者，必克本性，讎視本性，攻邪淫，壓邪慾，絕美人，遠淫人，輕世俗，敵邪魔，然後貞德乃成焉。守貞之勞，不勝大勞，其功不亦大乎？守貞之功，至甚之功，貞德之貴豈不亦甚哉？經中天主謂貞者曰：『爾勿言我枯樹矣，我定爾寶座于我城中，賜爾名美甚于生子者。』卽于天堂貞者乃尊于婚配，貞者之報，亦大于婚配之報矣。

或曰以生子爲貴，則以結婚豈不亦爲貴乎？曰：以生子爲貴，則愈生子愈貴矣。鳥獸微虫生子甚多于人，則其貴亦甚于人，此謬不勝大哉，以婚配得生子，而增人之數，以貞德得務正道聖德，而增聖賢之數，婚配滿世界，貞德滿天堂，其貴孰大乎？結婚之事，乃順形慾之事，不啻賢愚善惡者有之，且鳥獸微虫皆有之；貞德乃人靈心之事，不啻世間聖賢僅得之，且天堂神聖更有之。乃人以結婚之事迹而似鳥獸，以貞德近且似神聖，世人

雖最愚者，孰以人近鳥獸之事爲貴，而不以人近神聖之事，不勝貴乎！聖經曰：『天堂無交婚，』乃人既升天以後潔淨如天神也，貞者雖是于塵世，但其靈心蠲潔，而不染肉慾之垢，何異已出世而移爲天上者人哉。

○萬民四終

人生世上如行路之船，如暫寓之客，並不是終向，四終者，乃萬民之結局，究竟個人逃不過死，個個人逃不過審判而天堂地獄，賞罰一定永遠不能移動。譬如一盤棋局，黑白分布，到了終局來輸贏一定不移也。

死候之來免不得。

人有一肉身就有一個死日，但不知那個時候死？那個日子死？世上人爲名爲利，爲肉身的偏私快樂，如沒有死日的一般，到底死候一到，那時把一切富貴榮華親戚朋友，免不得一概要拋去了，并且死候一到，卽要暫緩一緩都不能夠。所以奉教人該當小心預備，因爲死候是天主定的，不准人預

先曉得，所以時時刻刻當預備，無一時一刻可以放膽不預備，免得到死來慌慌忙忙懊恨不及也。

審判之嚴當不得

天主仁慈無限到了審判的日子，不見天主的仁慈，只見天主的公義，有善必賞，有惡必罰，且無一善不受賞，無一惡不受罰。人在世時爲非作惡，如天主沒有知道的一般，到那時一一顯露，要遮蓋不能遮蓋，要央求無處央求，彼時何等樣威嚴赫赫？皆因天主千萬仁慈，人在世時都辜負去了，悠悠忽忽執惡不改，免不得有此立身無地的日子。私審判時惟靈魂斷定罪案。到公審判時肉身一同受斷，一一不移，想到其間，該當如何恐懼？如何警省耶？

地獄之苦滅不得

世上之火如畫火一般，人受着一點，尙且傷痛不堪，地獄之火，乃是真火，私審判後靈魂受燒，公審判後，肉身合靈魂一齊受燒，永永遠遠無休無滅，況又加以魔鬼之攝布，受苦之怨號，所見所聞所受無非苦楚，無有暫

寬，要脫此苦永不得脫，要享見天主聖面，永不得享見，論到不得享見天主的苦，比身上所受諸苦更加萬萬倍。因為天主是福樂根源，原許人以天堂真福，外教人不認得天主，無此福分，我既入了教曉得這等好處了，為何背棄了，反情願跟隨魔鬼到這個地方，此時偏又心內明明白白曉得這等緣故，自己改不轉的錯悞，如何煩惱如何懊恨？人若想到此，無論昏愚至極，亦應駭然，憑他凶惡至極，亦該醒悟。無如在世時，暫時的適意，竟忘却永遠的定罰，要曉得地獄之苦，怪不得天主之罰太重，因為天主美善至極，最惡人之罪惡，故人之得罪至重。天主係造成之主，人為天主所造成而得罪於天主，故人之得罪至重。且天主降生受苦受難救贖，其施恩既無盡無窮，故人之得罪天主其受罰更該無盡無窮。所以在世時為非作惡，無非為地獄中添柴引火，一到了永苦不返之所，那時悔恨已遲了，如之何？如之何？何不及早回頭，將自己各樣犯罪的毛病，一一掃除，痛哭往罪，所以熄地獄之火也。忍受世苦，所以免身後之苦也。若生時妄作妄為忘記了地獄之罰，死後一定難逃地獄之苦矣，戒之哉戒之哉！

天堂之樂比不得。

世樂沒有真實的，沒有完全的，沒有常久的，天堂之樂，乃是真樂完全而無缺，常久而不窮，憑他世上所有的福樂美好，一概都享用了，比不得天堂上一點福樂。人爲世上暫時之樂，而失天堂永遠之樂，甘受世上萬般之苦，而換天堂一刻之樂。因爲人但貪得世上的樂，覺得世上的苦難當，若想得到天堂樂處，憑他世上各樣的苦，俱覺得至輕至暫無不甘心樂受。況且人求世福，如功名，財利等，亦不辭千辛萬苦以求之，求之，而未必得，得之，而不能常久。則何不將此千辛萬苦，用於天主臺前，天主必與以天堂之賞，是以暫勞而得永賞也。如此，想到世上的福樂，真如灰塵沙土而已有何貪戀。奉教者，既知有天主，既知天主有天堂之許，胡不及時勉力，爲善立功，收拾得罪過一絲一毫不存。因爲天堂是至美善地方，不容進一些罪過，故必須洗滌潔淨，增修德行方可，盼望得日後脫離塵世，而歸本鄉。

一信德

○向天主三德

此三德非本性之德，乃超性之德，一心一意向天主的道理。

聖教會道理，都由天主默啟聖神寵照來的，絲毫無錯，有先知聖人記之，有新教聖人述之，有後來多少聖人聖女捐軀致命以證之，該當全信無疑矣。但信，有死信，有活信，死信者，單單掛信天主的名，並不守天主誡命，雖信何益？活信者，如同親聽目覩一般，心頭記念，口頭稱頌，心口合一，全全遵守規誡，甘受艱難萬苦，至死不肯失此信德。死信不中用，要靈魂，須辦一活信德。

二望德

世上之望，皆是虛望，天國之望，乃為實望，因為天堂真福，是天主親許人的，就是世上的福樂美好，及人之能立善功美行等，都由天主賞給來的，所以人當專心願望于天主。但世上的人有一等絕望的，必為天主所棄絕，又有一等妄望的，亦為天主所不准，譬如我有所望於人，必該有中意於那人之事，而後可望其報答，況要望天主無窮之報，該如何時時刻刻，尋

中意天主之事，勉力行之？

三愛德

愛由肉情來的，都是偏愛，愛由天主來的，方是正愛。偏愛爲罪惡之根，正愛乃忻勤熱心走天堂的道路，因爲天主無窮美好，超出萬物之上，萬物美好，皆由天主賦予的，所以該當愛天主于萬有之上，因愛天主，而愛天主生養救贖之普世人，如同愛自己一般。因愛天主，而思天主降生救贖大顯愛仇之表，故愛天主者，必愛仇。并推愛一切天主所造成之物，此種種愛情，無非由愛天主之愛而來，無非由聖神之籠照而來，時時刻刻心心念念讚美天主，歸向天主，肉身之私情偏欲，一毫不存，如此方可謂之真愛德。

○樞德四端

樞德者，各樣德行的基址，有此四德，各樣德行都容易成就了，若沒有這四德，無依無靠要想立各樣德行，先已把握不定了。故四樞德，爲萬德關係主體。

一智德

天主賞賜人明悟，原能分別善惡救己靈魂，無如被私欲偏情，把明悟埋沒了，所以任意亂行，昏迷不悟，如同瞎子不識路一般。智德是一面明鏡，掛在胸前，但明鏡必須拂去塵埃，然後照得清楚。智德要時常除去偏情，然後看得準確，能夠設法離開犯罪的引誘，會走德行的道路。

二義德

思言行爲有一定，該當如此的，有一定不該當如此的。義德者，想該當想好念頭，說該當說好話，行該當行好事情，件件都合着道理，不背聖教會的公義，可稱天主之義人義子，猶如以尺量物，絲毫無錯。

三勇德

人要去惡，偏有許多牽連，人要爲善，偏有許多阻擋，若使一時軟弱，就要跌倒。勇德者，毅然決然，有多多引我爲惡，決不肯從，有多多阻我爲善，決不肯罷。總是望着真福的道路，趕緊上前，未有能攔得住他的，猶如當兵臨陣，必要取勝一般。

四節德

世俗上一切事務，不但偏情私欲，能害靈魂，就是肉身上日用所必需，若不曉得節制，一概順着他，就漸漸的要偏私了。所以該當時常檢點，時常限制，不愛華衣美味，并不敢說說閒談，謹慎克己，清靜儉薄，一意想救靈魂的道理，中意天主的事情，節德最妙焉！

○聖神七恩

七恩乃天主聖神賦與堅振的人，七樣神恩，立時充滿寵他，安慰他，覆護他，俾得常跟隨着寵光照引，堅心勉力，一意向善，暢快走真福的道路。

一敬畏．

人自認得天主後，就曉得天主最尊貴，該當恭敬。天主最威嚴，該當畏怕了。到得堅振後，一受了聖神寵照，加倍熱心，自然加倍虔心奉事，小心謹慎，恐怕犯罪得罪天主。

二孝愛．

能在天主跟前，如人家好兒女一般，真情切愛孝順聽命，不背逆天主誡命，傷天主的心，常想喜悅天主的道理。

三聰敏．

聖教會道理深奧，人若靠自己的聰明，想也想不來，見也見不到。得了聖神的寵照，纔能勾懂得天主的教訓，聖經內包含奇妙的意思。

四剛毅·

人的力量軟弱，欲要爲善立功，多有退縮不上前的，得了聖神的寵照，便能立定好志向，沒有搖動，加增神力，勇往向着這條路走去，總不聽內外三仇阻擋，至死不廢善工·

五超見·

天主的聖意，肉情不能揣測，往往有世俗上見爲無妨的，却不合天主意思，必須有超性見識，方能分別·得了聖神的寵照，便有超見，能辨得出思言行如何是善，如何是不善，總是翕合天主聖意，脫出世俗的見識·

六明達·

天主造成萬物，都有這個緣故，人那裏能通曉？得了聖神寵照，便覺得四通八達，件件都是道理，天主如何安排一切，待人享受人該如何享受天主之所安排，不辜負天主大恩，合天主意，胸中明亮毫無遮隔·

七上智·

能不埋沒於世俗之中，透出爲天主救靈魂的道理，看破世俗上一切爲利爲

名，謀爲巧計，肉身雖在世間，靈魂如在天上，常常想天國奧妙的事情，得意無盡。

○贖罪三功

人犯了罪，應受天主之罰，雖已經痛悔告解，蒙主赦罪，然而赦過之罪，浪迹總在，則煉獄之罰終不能免，必須立功以贖之。譬如官府，得罪准其將功贖罪。又如國家律例，有罰金贖罪之條，三功者，乃爲得罪于天主所預備贖出罪罰之價也。

一祈禱

誦經默禱，心口相符，感謝天主無窮恩惠。又想我自生至今，犯了許多的罪，天主不卽罰我，容我悔改，如何仁慈！從今以後，將我靈魂肉身，一切所有，都奉獻天主臺前，聽天主安排，真切懇求，如同面見天主，苦求哀告一般，是最中意天主。并且人常祈禱可以退魔鬼之誘惑，免罪惡之招引。

二齋素

齋素有二；有口齋有心齋；口齋，如守大齋小齋清齋等。心齋如小心檢點，目不妄視，耳不妄聽，口不妄言，身不妄動等。守口齋必須守心齋。齋素之益有六；第一魔鬼每乘人之昏迷，而後誘惑易進。齋素則神清心，定容易識破魔鬼之狡計，可以決勝。第二人的肉身，供養太過，必致肉身強橫，靈魂軟弱，靈魂反要隨肉身犯罪了。齋素則時常限制肉身，可以消肉身之偏情私欲，不至放肆。第三人在天主跟前立些德行，一不小心，自滿自足，就容易失落了。齋素則空虛克己可以保守德行。第四默想等工，乃用明悟推想進去，推究出來的，若昏昏沉沉，必不能想出精妙真切道理。齋素則明悟清徹，能隨天主默照，善行默想神工。第五自己壓伏自己，克減自己，不敢將肉身縱容，可以息天主之義怒，免被降罰。第六肉身或供養太過，或放蕩太過，反致折短壽限。齋素則清靜淡薄，并可延肉身之生命。

三施濟

天主最喜歡人濟貧，聖經上耶穌親諭人曰：『哀矜窮人，卽如哀矜我。』所以人若肯施濟，猶如將家貲搬積到天堂上，不怕攘奪失落。我人當如何喜心施捨，隨力樂行，沒有一毫吝惜，沒有一毫勉強？又奉教人的施濟，不可圖傳好名。聖經上有云：『爾右手所爲，勿令左手知。』因爲施濟當密當速，且一捨于人，卽不可留在心上，并要躲避人叫好，恐怕受人之讚美，不得再受天主之賞報也。

○靈魂三司

靈魂之有三司，各司其職，天主跟前用得着，世俗上亦用得着。但用得善，能够救靈魂，用得不善，便能够害靈魂了。切勿以天主所賞賜的三司，使之爲天主用者，用於無益之地，反致自害靈魂，得罪于天主也。

一 明悟

能懂得這個意思，便是明悟。如分別得出好歹，推想得出緣由。但人因肉

情遮蔽，把個明悟都沒了。須曉得天主賞的明悟，當推究天主聖教的道理，得了天主寵照，合着了那就可善惡分明，依着做去，自然不差。若枉費心思，想沒要緊的事情，勢必仗着聰明，使乖弄巧，甚至胡思亂想，妄作妄爲，大得罪天主了！

二記含。

明悟推想得來，若無記含就立刻都忘了。須曉得天主賞賜人的記含，一切事情，或耳聞，或目見，都能一一記得。最要緊的，便當用此記含，記念天主的經言規誡，小心遵守，斷不可一時糊塗就忘却了，單會記得無益的世務，犯罪的事情。又倘有過失，急須牢牢記憶，不敢再犯，切不可悠悠忽忽，如沒有記得的一般。

三愛欲。

人有心所厭惡的，有心所喜歡的，厭惡的，必不要這般的，喜歡的必是要這般的，那喜歡要這般的，便是愛欲。但愛欲有偏有正；由肉情來的，總不免是偏，由天主來的，乃是正愛欲，因爲一切福樂，皆因天主而來。因

萬物美好，皆由天主賞給。人既有明悟想得來，既有記念記得來，便當一心一意單歸向天主，依靠天主，愛天主于萬有之上；一概福樂美好都讚美天主，而忻勤修德，盼望日後，見天主於永福之鄉，方始心滿意足。切勿順了私欲偏情，單想世上的便宜好處，肉身的快樂受用，以致靈魂失落，背負了天主！

○人之三讎

大凡陰謀傷害我者，謂之讐。三讐者，能夠害我靈魂，故爲靈魂之讐，阻我升天堂，推我下地獄者也。曉得是讐，必要用心防備，不致受他傷害。譬如人遇讐人，必要遠遠避之，因爲怕中他的計策，且必設法抵敵之，勉力制勝之。

一魔鬼

魔鬼最容不起人，因爲人立功，升天堂享福，是補他先失落的地位。他不

怨恨自己，反來嫉妬人，巴不得人俱得罪天主，跟隨他到地獄內，受永遠的苦，方始快心！所以人偶然有好念頭，他就多方阻撓之，偶然有惡念頭，他就多方幫助之；該如何小心預備，識破魔誘，勿中他奸計，勿遭他毒手，乃不為魔鬼之奴僕，而為天主之義子？

二肉身

人的靈魂與肉身相結合而後成人，如何是譬？因為天主生人靈魂是主，肉身是奴，肉身原是聽靈魂指揮立功行善的，若過分奉承了肉身，必致肉身強橫，靈魂軟弱，靈魂反受肉身害了，故肉身為靈魂之譬。一切私情偏欲，都是為肉身上快樂受用，即如目之視，耳之聽，鼻之臭，口之言，手足之運，身體之妄動，無一不是肉身犯罪的緣由。該如何小心謹守，勿許肉身放縱，牽累靈魂，悖逆天主！

三世俗

世俗牽連，到處都有，奉教人在外教人中，如同一葉孤舟，浮於海面，風波搖蕩，無刻不虞，多有毀謗的，侮慢的，譏笑的。況一切異端邪說，不

免混淆，無從辨明。至榮華貨利，明知虛假，不免墮牽，卽如親戚朋友等，一派浮文俗禮，往來交接，也不免外務紛心，故世俗亦爲靈魂之譬。要救靈魂必須輕看世俗，如經文云：『爲主不顧世俗。』要曉得世俗，原不是常久的，何苦在世俗上爭長爭短？隨風倒舵？總該一切依靠天主，躲避世俗各樣阻礙，一心走眞福的道路；譬如海客行程，急急歸本鄉而後住，又如戰場當敵，急急望勝而受賞。

○悖反聖神之罪六端

聖神寵光，充滿普世。人得了聖神的寵照，便容易回頭立功行善，順走眞福的道路。悖反者，不隨聖神的寵照，聖神雖會寵照，他無如自己早已棄絕自己，心如鐵石，毫不能轉，豈不是悖反聖神？辜負聖神的恩典，罪莫大焉。

一絕望升天．

升天原不容易，然天主所親許人者，又人即不小心犯了罪，天主許人痛告，許人補贖，何等寬洪仁慈！可曉得天主原要人同享天堂真福，正當靠托天主仁慈，避罪立功，單單盼望這樣，若是絕了這個望頭，便是自暴自棄，拒絕聖神的恩寵，此種人幾如木偶之人，不知痛癢的一般，豈不可惜！豈不可怕！

二妄擬升天．

聖教規誡是升天的路，若不守規誡，任意犯罪，不肯悔告，不肯補贖，妄恃天主仁慈，頂了進教虛名，就想升天，無功望賞，這種人輕忽聖神的寵照，到死來竟成空望，一生一世，猶如做了一場夢，豈不可惜豈不可哀！

三故駁真理．

若因不明白那一種道理，不妨細細考究，因為越考究，越得明白。若明曉得要理規誡諸端，真實真實，不得舛錯，偏要故意辨駁，有侮慢聖神的光照，將天主聖教會道理，看作何等樣，輕弄唇舌，隨口妄言駁論，其罪狠

大很重。

四忌人福寵。

天主聖寵，猶如時雨潤物，普地都到。奈何樂他人的禍，妒別人的福，如望天主聖寵單付與我，不付與別人？要曉得別人福寵，亦由別人自己所積，天主賞給來的。我不是妬忌他，真是怪天主，為什麼降福他了，豈不要招天主之怒乎？恐怕我妬忌人，人的福寵不失，而我應有的福寵，天主永遠消除我矣，請仔細想一想！

五固執於惡。

人即有大過惡，若肯聽人勸言，尚有回頭之日，若是任意妄為，肆行無忌，不論什麼人，或苦口相勸，或婉轉相商，沒有一毫挽回，固執至極，猶如病根已深，醫藥不進，聖神雖有時叫醒他，無奈他與罪惡習慣，捨不得離開，竟全不領受聖神叫喚，如之何？如之何？

六怙終不悔。

凡人最要緊的，莫如臨終一刻，常有平時昏昧，到終來，卒能醒悟悔告者

，天主亦赦他的罪。若犯了大罪，失落了聖寵，日又一日，延捱到要死時，沒有一些悔改念頭，聽了魔鬼的阻擋，隔斷了聖神的寵照，到了死期，方纔懊恨之無及了！所以奉教人，該當時常悔過，常預備臨終，要求死在熱心時，不要死在冷淡時，懇求天主賞賜我一個好收場。平時常隨着聖神啓迪，到終來領受終傳奇恩，託付聖神安然而逝。

○籲天主降罰之罪四端

籲者呼也求也，別樣罪過，天主或鑒原他，寬恕他，遲延日子，望其悔改，不卽降罰。此四端乃最犯天主的聖意，易觸動天主聖怒，每每有立卽降罰者，有生前明降顯罰者，因爲其罪不仁不義，逆性傷理，狠可羞可惡，無可原諒，無可饒恕。人若犯此四端，直是自己質証自己，求天主快快降罰也，可懼可戒！

一故意殺人。

殺人之權，天主但准與皇帝，皇帝付與官府，所以禁人爲惡，此外人與人豈可自相殺害？譬如用刀，用毒藥等，或指使人殺人，或自己殺人，或勸人殺人，其罰皆同。凡殺人者，國法原是不容，但國法卽或偶然遺漏，天主決不寬貸。

二拂性邪淫。

邪淫之罪，最爲污穢不堪，況拂性邪淫，更悖逆於人之本性，如或自行邪淫，或不守夫婦正道，或喜男色，或與禽獸苟合等。此種罪，言之污口，聽之污耳，寫之污筆，是極可醜，極可羞，凡有正性之人，見了這等人，尙且深惡而痛絕之，況至美善之天主，有不大干聖怒，重重降罰乎？

三凌壓煢獨。

煢獨之人，無依無靠，極應憐憫！極應照顧！奈何欺人之孤，凌人之寡，依靠勢力，謀佔產業。那些煢獨之人，受其欺負，只得暗地裏叫屈，沒有告懇處，沒有伸冤處。逞其強橫，自以爲莫敢抵敵，那曉得已大犯了天主

聖怒，他如何樣凌壓人？天主必如何樣判斷他，決不輕輕放過。

四虧負傭價。

傭工活命的人，終日爲別人辛苦，爲他人忙碌，無非要得些工價，養活一家性命，度過日子。做主人的，該當體恤加厚，早早發給，奈何遲延不付，又復苛刻計較短少錢串？不過自己貪些小便宜，那曉得傭工做活的人大吃虧了！最不合天主的意，必受天主的罰，究竟要便宜，却是終久吃虧了，思之思之！

○罪宗七端

何謂之七罪宗？因各樣犯罪的緣由，皆因這七樣而致，故七罪實爲萬罪之根原，斬草者，必除其根，攻罪者，必究其原也。

一驕傲。

自尊自大，喜歡人奉承我，不喜人冷落我。又如靠托自己的爵位，富厚，

誇張自己的才能，學問德行等，看不起別人，都總要別人來敬重我，稱讚我，我可以輕忽別人，侮慢別人，俱是驕傲。此罪最大最重，從前魔鬼亦以驕傲一念，受了地獄之永罰。聖經云：『驕傲者魔鬼之子。』故爲七罪宗之第一宗。

二嫉妬

天主的福樂，原是公與普世的。嫉妬者，忌人之得福，樂人之得禍，心中不得一刻平安，因此謀害別人，暗傷別人，各等情都要有了，而且自己胸中，亦覺得反覆不平，狠不受用，何苦而如此！

三貪吝

貪是貪人之所有，吝是捨不得已之所有，巴不得他人之所有，多多給與我，不肯將我之所有，絲毫分惠人，是自顧自己盈餘，不顧他人缺乏。凡屬損人利己的事，無不可爲了。

四忿怒

性情暴躁，容易動怒，刻刻不稱心，時時不如意，心裏忿恨，口裏狠毒，

面作怒容；譬如人有一點不到處，即便責備，不肯一毫寬恕，甚至傷人惹禍，皆因忿而起。

五迷飲食

單單在飲食上講，乃貪吃各樣好東西，逐日打點美酒厚味，供給這張嘴，奉承那個肚皮，以爲快樂。至於醉飽過分，或反致受傷成病，或致於昏迷了明悟，放縱肉情，爲非作惡，都難免了。

六迷色

心裏想不潔淨的念頭，身體放蕩，舉動輕佻，說話游滑，打扮俏樣等，皆是證驗，單單順肉身的私情偏愛，圖其作樂，其心污穢不堪。

七懶惰

單單幹世俗上的事情，天主臺前，救靈魂的事，沒有趕緊去做，一切修德行善等，看得來煩難，得狠勞苦，退縮不肯上前，悠悠忽忽，空過了日子，絲毫做不起功勞，恐怕各樣犯罪的機會，到要趁此懶惰而來，此時一定陷於爲惡了。

○克罪七德

人有一病，必有一藥以治之，必有對病之藥以治之。七德者，七罪對病之藥也，要克七罪，必修七德矣。

一 謙讓以克驕傲

驕傲之人，必不能謙讓，謙讓者，能識得自己原來一無能為，一無好處，別人即有狠不好處，恐怕還比我有一點好處，即使我有些微好處，正該感謝天主，若天主不賞給我，我有何能？為常常作如此想，那有驕傲。

二 仁愛以克嫉妬

嫉妬的人，因為沒有愛人的心，直看得人與我截然分開，故爾如此。若是心中有仁愛的念頭，自然見人有喜慶事，如己之喜一般，見人有禍患事，如己之禍一般，推己之心及人，愛人如同愛自己一樣。

三 捨財以克貪吝

我加好處與人，不望人的好處報答我，哀憐別人的窮苦困乏，必要周濟他

，絕不愛惜這死去挪不動的錢財。

四含忍以克忿怒

心平氣和，卽有時有不如意的事，總是忍耐最好，不要趁我的性子，連忙壓住，等到那些性子過去了，自然仍能心平氣和，有人觸犯傷害我，我只求天主可憐，絕不思圖報復，猝然遇逆境，亦只安分聽命，不生怨尤的念頭。

五淡泊以克貪餐

日用飲食，不過以養活肉身，使之相幫靈魂，趁在世時，做些功勞，並不貪圖醇飽，貪求美味，單單爲口腹算計，故時常減餐守齋，甘心清淡，斷不至飽足無厭，急急供養這死後腐爛的肉身。

六絕慾以克迷色

心裏潔潔淨淨，不留一些污穢的念頭，自然外表端方，舉動謹慎。凡係私欲偏情，能夠迷惑我犯罪者，一概掃除得盡，不能動我心了。

七 忻勤以克懶惰·

忻忻勤勤天主臺前，盡本分做工課，恐怕臨死要做來不及，趁生前趕緊做些功勞，不敢貪安偷懶閒游浪蕩，過了日子·

○哀矜之行

哀矜救人之窮乏也，飢寒苦難等，是肉身之窮乏，不能避罪進德等，是靈魂之窮乏·形哀矜救人肉身，神哀矜以救人靈魂，靈魂貴於肉身，故神哀矜更美於形哀矜也·

形哀矜七端：

一 食饑者·

腹飢不得食，必急求食，與之以食，救人之飢·

二 飲渴者·

口渴不得飲，必急求飲，與之以飲，救人之渴·

三衣裸者：

我有衣服，人乃赤身，急宜周全，俾得蔽體。

四顧病及囹圄者：

病苦難堪，望人解救，監牢愁悶，何日脫離，照料安排，極爲緊要。

五舍旅者

他鄉過客歇宿無方，可留則留俾得安歇。

六贖擄者：

讎寇強盜擄掠人去，盡力贖回救其患難。

七葬死者：

遺屍暴骨一見心傷，安排埋葬可驗仁心。

神哀矜七端：

一以善勸人：

人懶於爲善，勸之忻勤，人有志爲善，扶之上進。

一啓誨愚蒙。

糊塗昏昧，不明要理，明白講究，開其愚蒙。

三慰憂者。

人有憂愁，無由寬解，設法安慰，爲恩不小。

四責有過失者。

人有過犯，該當責備，直言禁戒，望其能改。

五赦侮我者。

人欺辱我，我不計較，反饒恕他，望他相和。

六恕人之弱行。

人因軟弱不能盡職，逆我之意，我不動怒，原諒情由而寬恕他。

七爲生死者祈天主。

未奉教者，普祈進教事主，已奉教者，普祈遵教立功，遭苦難者，普祈平安得所，在煉獄者，普祈赦罪升天，天主臺前誦經祈禱，虔誠弗輟，莫大哀矜。

○真福八端

大凡惡爲禍之根，德是福之原，求世福者福皆僞，積天福者福乃真，八端者，是售真福之價值，享真福之憑據，身雖居世，神已在天，爲吾主耶穌所親許者也。

神貧者乃真福，爲其已得天上國也。

神貧有幾樣？有將家財全爲天主哀矜窮人，自甘貧苦，此爲第一神貧。其餘或家富，不耗費於用，不繫戀於心，或家貧不怨恨自己，不羨慕他人，皆神貧之類，於此者爲真福人。因爲想慕天福，看得世上的金銀寶貝皆輕，其心毫無罣牽，身雖居世，其心已在天堂，故曰已得天上國也。

良善者乃真福，爲其將得安土也。

良善者，謙遜誠實，逆來順受，不圖報逆，以寬恕待人。如此者，爲真福人，因爲身雖現在危險之世，心中常見平安，後世必得天堂之安所也。

泣涕者乃真福，爲其將受慰也。

泣涕者，或痛悔已罪，或哀矜人罪，而時常泣涕以求天主赦宥也，如此者

爲真福人，因爲必將蒙天主之赦宥安慰他也。

嗜義如饑渴者乃真福，爲其將得飽飫也。

嗜義如饑渴者，中心向往於道德之事，趕緊爲善，切切于心，如饑思食，如渴思飲也。如此者爲真福人，因爲天主必將其所願，賜以無窮之美善，爲得飽飫也。

哀矜者乃真福，爲其將蒙哀矜已也。

哀矜者，如行形神哀矜十四端等，如此者爲真福人，因爲我哀矜人，天主亦將哀矜恕我過矣。

心淨者乃真福，爲其將得見天主也。

心淨者，污穢之事，非但身不肯爲，口不肯言，卽心亦不肯稍留，如此者心中潔淨，爲天主所樂居，爲真福人，因爲後世必將得見天主也。

和睦者乃真福，爲其將謂天主之子也。

和睦者，與人相親相愛，如此者爲真福人，因爲能體天主愛人之訓法，天主愛人之心，故將來在天主跟前，可謂天主之子也。

爲義而被窘難者乃真福，爲已得天上國也。

因爲守天主的誡命，受世間一切苦患，以至於捨身失命，亦所甘心願意。如此者爲真福人，因爲其德甚精，其功甚大，其品甚高，其報無窮，故曰已得天上國也。

○榮身四恩

四恩者善人之肉身，復活升天後，天主賞賜他肉身的恩榮也。

一 光明之恩

人的肉身，是泥土造成的，那有光明，因他在世上，不肯做一毫暗昧不明欺人欺己的事，到復活後真福的榮光，結合了他的德行善工，就各人發出各人的光明了。

二 無傷損之恩

人的肉身，是最脆弱，容易受各樣的傷損，到復活升天後，那時便不倦不

困，不飢不渴，諸般苦難毫無侵害，因為他在世時，總不縱容肉身犯罪，傷損靈魂，故後得此無傷損之榮恩。

三神速之恩

人爲被了這肉身，譬如心裏要到什麼地方？身體不能就到，到得復活升天後，要到那裡就到那裏，上下四方隨心而至，因為他在世時，趕緊做救靈魂的事，不受肉身的牽連，故得受此神速之恩。

四神透之恩

肉身係有形之體，舉動多所阻隔，到了復活升天後，透石穿堅，並無障礙，因為他生時，勇往上前走德行的窄路，不爲肉身偏情私欲所阻隔，故肉身得此神透之恩。

○榮魂三恩

三恩者，善人的靈魂升天後，天主賞賜他靈魂上的恩榮也。

一常明見天主。

人在世時，用信德的真光，神目中如見天主，到升天後常與天主相見，明明領其榮光美好，是何等造化？是何等快樂？因為在世時，喜歡想天主所命的事情，誦經默禱，常常親近天主，如同親見天主一般，故後得此常常明見天主的日子。

二得享天主美善永遠無缺。

世上的福樂不能常久，不能完全，一到天堂上，享用天主的無限美好，無限福樂，完全無缺，永遠無窮，都為在世時，不貪世上的福樂好處，情願跟隨吾主，忍受世苦，單望真福，故天主如其所願，報以永遠。

三靈魂與天主相愛無窮。

既然常見天主，常享天主美善，天主是何等至美至善，說不來的美善，靈

魂升天後，如同與天主常在一處，必然時時刻刻讚美天主，誦揚天主，那時候間斷，那有時候窮盡！因為在世時，愛天主的心至熱至切，故天主鑒納他的愛情，亦甚愛他的靈魂，酬以天堂真福，永遠相愛於無窮！

圖之代四親外姓同

[illegible]

